



得一録
四

和装本
ワ 4
6318
4



得一錄

錢唐許乃釗書



加邊1
731
4

丁卯四格五

共八



74
6318
4

放生會章程

卷七之一

古聖王網開三面而放生之說起。楊寶放雀。隋侯放蛇。史傳皆著為美談。不獨佛氏為然也。陰騰文新鮮有云。小人捉而賣之。君子買而放之。小人賣之以餬其口。君子放之以全吾仁善哉。體天心。惜物命。培元氣。召祥和。真世間第一吉祥善事也。述放生會章程。

彭南昫先生勸舉放生會說。先生名定求。與孫啟豐皆會狀。聯元為吳中盛事。蘇郡世德首推彭

氏其家累代戒殺。故科第綿綿至今。猶盛。

子家不能斷葷。然不食活物。已數十年矣。雞鵝之類。雖祀神不用也。魚蝦買已死者。中有活者。隨手放生。建放生會亦甚易。與惜字會相仿。法以一人糾十人為一朋。按月輸三十錢。得十餘朋。便可舉行。至期遇物即買。切勿認人認店。以啓其釣弋之心。要久不倦。擇漁獵不至之地。

放之自有功德戚友中有艱於子息功名者予先授以持殺生之戒並勸其入會放生凡莖孳為善者果輒應驗昔羅念菴先生曰同生天地即為同氣不忍之心乃我生機減一滋味於食無損全一性命利物不細真仁人之言也幸有心人隨處倡行造福無量今人不信戒殺說到放生輒多方駁辨一味唐突使人開口不得此無他其意不過為口腹護短耳嗟乎下了三寸咽喉不知何物而必費盡氣力為自寬之地上背聖訓下阻善念使人聞而信之愈以恣其貪饕之性戕戮生靈億億萬計則人之過皆其過矣人之罪皆其罪矣古聖賢飯蔬飲水澹泊自甘飲食之人則人賤之未有貪口腹而恣殺生靈者七十者可以食肉一個小民百姓有多大福分顧於少年時大啖無厭耶盍再思之為老年稍留餘地哉

放生會規條

- 一放生會每月一舉每會以三十文為率有力者十會八會各隨所願屆期携錢赴會不得誤期或每會百文二百文更妙
- 一會項既集計有若干即儘數入市買物或魚鱉或禽鳥或螺螄水族則放入放生官河如無放生官河即放入寬大河港禽鳥則放入深林惟須擇一禁獵之地方得保全
- 一會期或每月朔日或望日或就神佛聖誕日如正月初九二月十九三月念八四月初八五月初八五月初七日中秋重陽十月初八十二月初八等日隨便酌定可也
- 一放生之日會中同人均素齋放生之時或用放生船宜各持名誦咒一心祝願所放生命均歸樂趣
- 一每年冬臘月宜結通年總帳共收錢若干買放生命若干務須

禮懺一天。焚香叩首。表奏天尊。以重盟誓。而昭徵信。

蘇州彭氏放生池規約

- 一 守院人宜護持生物。上防惡鳥。下防惡獸。至岸有坍塌。及時報知修整。不得拋入惡水及惡汁。亦不得放草太多。不得留人宿。
- 一 園中種菜。其多生蟲身。致傷物命者。皆宜少種。可多種瓜茄刀荳芋荳芝蔴等物。
- 一 燈罩用心整治。浪縫蓋時緊掩。恐傷物命。
- 一 宜放魚蝦蛤蚌等。
- 一 池中勿放黑魚鱸魚鮎魚汪刺魚杜父魚鯿鱒。以要害好魚故。
- 一 池內勿放螺螄。以內有青魚要食螺螄故。
- 一 不得以洗刮油膩及糟糠等物入池中。魚食之多。泛死故。
- 一 不得多買草料。宜少與之。

防獺及惡鳥要爪魚故

一 蠅勿放池中。蠅要箝魚眼。龜要喫蠅故。

特啟放生諸善人。凡來放生者。必遵先師規約。而住持大師。見有來放生者。務必引看此碑。有放不得者。必放外河為妥。蓋凡物各有相生相剋之性。倘不講究遺害。非細可不慎乎。江沅誌。

又小雲棲放生園規條

一 買物不可定人。不可定時。不可定地。按時而動。謀利者必預為。摻羅以待。是本處散而聚。而苦之。其致死十有二三矣。擇地而購取巧者。必多方計算。以營是本非食品。而籠而致之。則造福罪已過半矣。認人而行。詭法者。必假托慈悲。以售是本屬賤價。而貴而鬻之。則此昂彼必少買矣。欲除此三弊。法在隨目所睹。隨心所發。隨物之緣。隨錢之數。刀砧既及。殫繳既危。勿泥巨牲。

爲命重卽一蟲亦是救生。勿以細數活多命。彼大畜何可膜視。總之不貪自己之福。實憫衆生之苦。則不求福而福自倍也。

一養生不可失人。不可失時。不可失地。馬牛羊宜燥處。春夏宜生草。秋冬宜枯草。羊宜乾桑葉。豕宜濕處。宜糧食。雞鴨亦宜糧食。鶩宜草食。鴨宜近水。牯牛宜水。魚宜二三月食草。并不可多放。餘日不必食螺蟬蚌蛤鱉等。宜安一處。黑魚鮎魚。汪刺不宜放。龜鱉宜淺。如蛇在城不宜放。鳥宜茂林叢竹。若此者。斷在慎時。慎地。而尤慎者。餵飼惟謹。掃除宜潔。游牧惟勤。當家領衆。各半月一警策。勤則獎。惰則罰。若或踢打致損。大小分罰。致死者。罰出寺。另派總之。視物命如己命。彼生靈自戴而超昇矣。

一稽察最關緊要者。若責之僧人。未免因循。責之董事。又難周徧。今自整頓以後。專請司事常川在寺。隨時稽察。凡一切收支牲

畜銀錢進出。向有總賬。今統歸司事主筆。進出一切及收支一文。俱逐細載註。如有交寺放生。例出收照。亦責成司事主筆。卽不取收照而去者。亦概行登記。以免掛漏。

一放生不能定限。如有持物而來者。悉從喜捨之心。有無牲糧。不得過于索取。至所收銀錢。無拘何款。總定以四分買物。以六分買糧。庶豢養無虞。生靈有益。悞果之說。未嘗不是。然與其買十分而餓斃。不若買四分永得其所也。

一牲物進院。旣經司事記數。凡有傷斃。俱經司事驗看。如係畜養不當。及踢打損傷者。管牲人議罰。司事務須舉報。如有就地掩埋者。或應抬置骨塔者。司事督令舉行。勿任因循。致有弊混。

一牲所積聚較多之際。仍發大雲棲收養。責成值月董事。前赴雲棲點數交代。以免中途照料不及遺悞之處。

行一錄 卷七 放生會 四
一放生之物如係來人交來者只查點數目如係本寺買備其議價過秤一切均會同司事過目免致弊混
一豢養之法亦宜酌定時辰。喂飼不使失時。司事屆期監看。以免因循怠惰。其欄圈各所亦須隨時沖洗。勿使骯髒。致損生靈。
一放生牛羊雞鴨之類各有欄圈。收養外。如驟馬不能在本寺安置者。務宜酌安妥適地方。請發願放生信士會同司事押往該處點數安放。以免中途弊混。
按放生原屬美事。但死後瘞埋。不食其肉。一條可不必拘定。或給與本城老人堂。或普濟堂收養人食之。正釋家所謂早脫皮毛。便近人道。在地土少蒸腐之氣。而藿腸有肉食之權。亦未為不可也。

陳薦夫放生論

仁人捐未用之餘資。智士施不報之厚德。使斷腸殘喘。續命於鋒刃之顛。令槁魄驚魂。回生於鼎鑊之上。其為功德有三。無常放有。兩不必放。有物生放。有放生。夫世人放生。多尅定時。日射利之徒。因而網弋。以赴之多。致困弊。是以殺為放也。途間世上耳目所及。隨便買放。是謂放無常期。世人鑿池寘苑。既有常處。人得伺之。方脫豫且之網。旋作校人之羹。是以殺為放也。江河林沼地利。隨宜監以善信。倏然而往。是謂放無常處。世人外放生物。家中宰割不疑。至謂擾畜待人。職宜供饌。不知子孫亦所豢養。橫遭屠畷。彼心謂何。諺云。經營還債。勝於布施。結會放生。何似戒殺。以至草木盡屬生靈。蟻蛾都關佛性。或壞垣而破蟄。時覆巢以毀卵。以至棄羶聚蟻。積水生蛆。珍玩魚鳥。致物以飼。我雖無殺之心。彼則有死之道。皆宜避忌。預護生全。是謂不放之放。放無常物也。

若乃遭噬觸網放之未必有生更宜調養使其平復卽不全活因而瘞之又有猛獸毒魚惡蛇鷲鳥救彼一生實延衆毒是當較喪全之多寡量功過之重輕聽其自存自死比之不見不聞此一種者不必放可也然亦不可殺隨緣隨力相機相宜無以殺小爲無傷無以放小爲無益無憚勞而阻善念無爭價而廢善緣一物非寡衆生非多肖翹非小馬牛非大一文非不足萬緡非有餘所謂有物生放其盡於是矣物既有之人亦宜然或誑誤可憫或冤困莫救或厄盜賊水火或遭疾病阽危或營求失利而忘生或逋負莫償而欲死此能資以物力開其生路與以周旋圖彼解脫人生我放其視物生尤爲關切者也故念我困危望救心自然形體不隔推我感恩救護心自然功德有歸若乃我放我生倍當喫緊人貪生處卽能喪生放下無生是以長生倘能六時打磨一切透悟

直認本來了取無生斷世諦之網撒塵勞之錮一條洒灑不係來去無拘無迫逍遙自在種心放之殼外真生脫彼輪迴則非人非物高出四生之中不得不功永超福報之上矣因繫之以偈曰種種生成患亦成有生纔有放生名與君打破牢籠去悟得無生是放生

放生决疑

或謂仁民而後愛物今先務愛物何也答曰仁民易愛物難不忍於害物者必不忍於害人况布衣無仁民之權力量惟能及物以力量所可爲者而錯過不爲何異入寶山而空手回乎

或謂儒教不聞戒殺答曰成湯之解網子產之畜魚至於刳胎殺夭覆巢破卵孔子之訓諄諄矣夫一殺一放善惡分途因果迥異哀今之人不聞能學聖賢惟不戒殺藉口於儒何自欺也

或謂天生禽獸所以養人也。答曰：誠如子言。豺狼能食人之肉，蚊蚋能啣人之血，天豈爲豺狼蚊蚋而生人哉？如必以物之命供人食，則天生人以殺物也，不必再生五穀矣。不知天地惟一好生視人物爲一體，天生人而人卽傷天地之生，可乎哉？
或謂人皆不殺，則物類充滿世間矣。答曰：正惟頻頻而殺，故頻頻而生耳。物類之壽亦有數年者，亦有五六年者，亦有一二年者，惟人不能盡其壽數而殺之，則殺者復生，此輪迴之報所必然也。若殺者少，則生者亦少，何由充滿世間乎？獸中有貓鳥，中有燕，此皆人不殺之物也。安見比他類而獨多乎？
或謂人貴物賤，殺一物命何至爲惡。答曰：所貴乎人者，祇因能慈心愛物，天生物而人育之，故人爲貴耳。若好殺之人，恐轉一世而不得爲人矣。

或謂祭祀必血食，奈何。答曰：天地仁慈好生，爲大神明，忠正惡殺爲先，殺命以邀福。皇天必無此理。若享祀先靈，恐以虛名而增先靈之實孽。世人苟有仁心者，方且爲殺不食，豈有神鬼而反樂享之乎？人之生死有定，正直神明豈貪口腹而遂移已定之天恩之極，而徒爲病者，再加惡業耳。不然，彼祈晴祈雨，胡爲必禁屠宰乎？或謂我自己不操刀，聽他人爲之。答曰：彼世有枉受官刑者，何以不恨劊子而恨官府乎？以非執刀者所能主也。故自殺與命人代殺，惡似相等，而欲嫁禍於人，設心愈不良矣。
或謂生必有死，殺之何妨。答曰：萬物自生自死，與人無涉，無爭若云物命難逃，理當烹炙，亦將謂老人壽數無幾，悉可誅滅耶？
或謂貧人卽欲放生，其如無錢。何。答曰：家中蠅蝶蟲蟻之類，能全其生，亦卽是放生活命。或見放生者，隨喜贊嘆，以堅其志，或隨我

力量勉而行之古云一文非少萬錢非多放一命與放萬命總是
心中之善發出但力有大小善無二善惟論心之難易何計施之
多寡若貧人而能力行善其功更大於富室矣

或謂所放之生既已損傷恐終難保全奈何答曰使其得善終不
猶愈於生切活煮之痛乎况垂危而救之恩功最大即十命之中
止全其二三猶愈於即刻赴刀鋸也

或謂所放之生終被後人捉取亦有何益答曰放生功德不必究
他後來即一放項已得圓滿勝果譬如重囚臨殺暫赦還獄明知
死在異日且喜今日尚生

或謂豬羊雞鴨鷺之類放於寺院中飲食難以相繼終不免於餓
死是放生而反作孽也答曰寺院放生池中原有施主捨食接濟
一切畜類未必盡皆餓死縱使僧人不肖以施主之錢入己而不

惜生命是亦僧人之咎與放生者固無礙也

世人食肉咸謂理所應然乃恣意殺生廣積冤業相習成俗不自
覺知昔人有言可為痛哭流涕長太息者是也計其迷執畧有七
條開列於左餘可類推云

一曰生日不宜殺生哀哀父母生我劬勞己身始誕之辰乃我母
垂亡之日也是日也正宜戒殺持齋廣行善事庶使先亡考妣
早獲超昇見在椿萱增延福壽何得頓忘母難殺害生靈上貽
累於親下不利於己此舉世習行而不覺其非可為痛哭流涕
長太息者一也

二曰生子不宜殺生凡人無子則悲有子則喜不思一切禽畜亦
各愛其子慶我子生令他子死於心安乎夫嬰孩始生不為積
福而反殺生造業亦太愚矣此舉世習行而不覺其非可為痛

哭流涕長太息者二也

三日祭先不宜殺生亡者忌辰及春秋祭掃俱當戒殺以資冥福殺生以祭徒增業耳夫八珍羅前安能起九泉遺骨而使之食乎無益有害智者不為也此舉世習行而不覺其非可為痛哭流涕長太息者三也

四日婚禮不宜殺生世間婚禮自問名納采以至成婚殺生不知其幾夫婚者生人之始也生人之始而行殺理既逆矣又婚禮吉禮也吉日而用凶事不亦慘乎此舉世習行而不覺其非可為痛哭流涕長太息者四也

五日宴客不宜殺生良辰美景賢主嘉賓蔬食菜羹不妨清致何須廣殺生命窮極肥甘笙歌饜飫于盃盤宰割冤號于砧几嗟乎有人心者能不悲乎此舉世習行而不覺其非可為痛哭流涕長太息者五也

六日祈禳不宜殺生世人有疾殺生祀神以祈福佑不思己之祀神欲免死而求生也殺他命而延我命逆天悖理莫甚于此矣夫正直者為神神其有私乎命不可延而殺業具在種種淫祀亦復類是此舉世習行而不覺其非可為痛哭流涕長太息者六也

七日營生不宜殺生世人為衣食故或畋獵漁捕或屠宰牛羊豬犬等以資生計而我觀不作此業者亦衣亦食未必凍餒而死也殺生營生神理所殛以殺昌裕百無一人種地獄之深因受來生之惡報莫斯為甚矣何苦而不別求生計乎此舉世習行而不覺其非可為痛哭流涕長太息者七也

放生會小引

放生之說。暢於釋氏。儒者或疑之。然古者網罟必用四寸之目。魚不滿尺。市不得鬻。言放生也。國君春田不圍澤。大夫不掩羣。士不取麇卵。言放生也。成湯之網。開三面。子產之畜魚於池。無非言放生也。是故聖王之世。鳥獸魚鱉咸若。鳳凰麒麟不踐生草。不食生蟲。則謂之仁禽。謂之仁獸。天地之大德曰生。全體皆仁也。聖人學天。學天之仁而已。天心好生而惡殺。聖人體天之心。以爲心。故民胞物與。並育並生。推其極。必使無一物不得其所。而後聖人爲仁之量始全。則放生之說。固久在聖人中和位育之中。無事別標宗旨也。自古禮衰而殺機熾。貪口腹恣暴殄者。反以煦煦之仁爲藉口。殺以召殺。而殺劫以開。佛氏惻然憫之。思欲有以挽其流。而拯其敝。於是。大其聲以疾呼。而放生之說。於以起。而放生之會。於以行。是故顏魯公奏請天下立放生池八十一所。蘇東坡爲杭州守。

率僚屬至西湖放生。以爲樂。自來名公巨卿。醇儒宿學。類多從事於此。則放生之爲道。蓋可想也。吾輩幸際太平。共遊光天化日之中。安常處順。不遭橫禍。是天之放我以生也。天旣放我以生。我苟非體天之心。多放生命。其何以仰答天恩。終免災劫耶。爰與同人糾集放生善會。每會以若干文爲率。會數各隨其願。一月一舉。隨買隨放。不拘何物。不拘何地。事畢回向。乞求往生。所願各發慈心。共培善果。庶幾日久月長。愈推愈廣。以期答天恩而消災劫。當亦吾黨同人所樂於捐助也。是爲引。

放生官河條約

卷七之一

古者網罟必用四寸之目。魚不滿尺。市不得鬻。聖王愛物之心。藹然如見。况邑城鄉鎮。必由地脉結聚而成。制伏無方。每闕衰旺。青烏家言。非無因也。古來仁慈好生之地。往往不見干戈。而城邑遭屠者多。由其地人民好殺所致。倘非急開生門。以順地道。以格天心。將何以召祥和而消災劫。放生官河者。生門也。生門開而生氣聚。生氣聚而戾氣消。此不費錢功德也。述放生官河條約。

放生官河禁止採捕議

蓋聞天地之所好者生。帝王之所慎者殺。古聖人設為網罟。以佃以漁。所以備祭享除物害。非以為口腹也。然猶必設為厲禁。數罟不入污池。網目必用四寸。漁不滿尺。市不得鬻。蓋恐取之太過。即

以蹙物之生。故必示以限制。使取之有節。庶涵濡長養。生機相續。於無已耳。是以成湯解網。里革斷罟。顏魯公奏立天下放生池。於勢難槩禁之餘。必宛轉紆籌。留一綫生機。以延物命。凡以體天地好生之心。廣帝王仁育之量。不欲盡取以傷萬物之和也。我朝仁化旁敷。和風廣被。舉凡鳥獸魚鱉。具徵咸若。仰見聖天子萬物一體。度越百王。凡屬臣民。自宜本怵惕惻隱之心。擴並育並生之量。日孜孜焉。為物命計。俾之繁滋生息。涵泳於光天化日之中。於以祝聖壽於無疆。俾羣生而遂長。庶不虛生盛世耳。乃習俗相沿。取求無厭。多方採捕。力索窮搜。無論大小官河。插斷設網。幾使水族無潛逃之所。而有司官又視為不急之務。竟不復留心禁約。為地方稍開生門。甚非所以仰體

皇仁以培

國家元氣也。今擬於州縣鄉鎮。各留河數處。聽作放生官河。永禁採捕。勒石垂遠。犯者懲之。其清查辦理。宜聽該處各善士妥為設法。仍不許地棍土豪。專擅開禁。有則鳴鼓共攻。並令各善堂隨時稽察。庶使聖澤汪洋。羣生同被。蠢靈共壽。物我皆春。亦仁人君子之用心也。謹議。

顏魯公放生池表

臣聞帝德莫大生成。臣心敢忘讚述。微臣職忝方面。受恩莫報。廣宣皇命於天下。臨江帶郭處。置放生池共八十一所。澤及昆蟲。海隅蒼生。莫不欣喜。臣不揣愚昧。述天下放生池碑銘一章。蓋欲使天下元元。知陛下有好生之德。因令微臣獲廣昔賢善善之義。乞

御書題額。以光揚不朽。

放生河爲人主祝壽祈福

蘇東坡守杭州奏開西湖堙塞。首以放生爲言。迨天禧中大臣始奏以西湖爲放生池。禁捕魚鳥爲人主祈福。自是以來。每歲四月八日。郡人會放湖上所活羽毛鱗介。以白萬數。皆西北稽首祝皇。上千萬歲壽。此西湖放生故事可徵也。

憲示

蘇撫部院張。爲申明舊禁。剴切曉諭事。照得蘇城虎邱前一帶堤河。及相近東西各港。原係放生官河。永禁採捕。本部院前於藩司任內。歷經出示嚴禁在案。茲聞日久廢弛。該處仍有不肖居民。及漁戶人等。罔顧生靈。公然違禁。或操鷹舟。或張巨網。肆行捕捉。致潛鱗無一縷之生機。放生之地。竟爲若輩之利藪。地保人等。得其

規利。代爲包庇。殊堪痛恨。除訪拏懲辦外。合行剴切曉諭。爲此示仰該處居民及漁戶地保人等知悉。自示之後。爾等如敢在於放生河內。肆行採捕。戕害生靈。一經本部院查出。或委員稟報。立即嚴提懲處。如該處地保不行查逐。受賄縱容。定卽一併究懲。不貸。各宜凜遵。毋違特示。

嘉慶十九年十一月初三日示

蘇州府元和縣正堂舒。爲籲恩勒碑示禁。以垂久遠事。據生員王煦監生屠曦。殷在天周揆。殷等稟稱。切照憲治正三圖。設有妙濟堂。於內設局。凡施棺收葬。惜字放生諸善事。靡不備舉。獨是放生一事。因堂地狹隘。舊日就沿河一帶。立石爲界。作放生河路。甚爲短促。不能多容。今擬請南至青松寺。北至婁門蛇王廟。一帶官河。作爲放生河路。無許捕魚。鄉農藉稱。甯泥名色。挨堂放生。河邊

得一金
競相捕捉所全物命實多爲此籲恩叩請伏乞恩准給示勒碑禁止捕捉以垂久遠等情到縣據此合行給示嚴禁爲此仰該地保居民鄉農漁船人等知悉所有妙濟堂放生官河南從青松寺起北至婁門蛇王廟一帶永禁捕魚鬻泥如有任意抗違在河鬻捕地保司事立即拏獲解縣以憑重處枷示倘地保狗縱容隱察出定提並究決不寬貸各宜凜遵毋違特示

嘉慶二年六月

日示

蘇州府正堂覺羅景爲據稟給示嚴禁採捕事嘉慶二十四年六月初四日據清節堂董事陳道修職員何柱巖吳復初孫道融吳兆鉅陳道軒陳培顧退思劉會真程廷珍胡惠友蘇晉英等赴府稟稱切照蘇郡虎邱山塘官河西由西瓜河起東至渡僧聚龍山塘各橋南至六房莊北至錢萬里橋十家洋虎邱後山等處歷經

各善堂稟蒙

各大憲放生惜命禁止採捕均於橋座鑿有禁止字樣祇准各漁船在外河大蕩捕獲不許在所禁之處採捕在案無如日久廢弛漁戶勾串地匪得規狗縱始則夜間捕捉今則白晝布網甚至前舟放生後船撒羅罾網所在不計其數欲其生而仍置於死董等目擊此形情殊憫惻是以情願捐資備石各處勒碑永禁採捕以護水族而勵好善環求給示並捐牌曉諭以便隨時巡查勒石永禁並賜分飭長元吳三縣一體禁約嚴飭各地保漁總毋許得規狗縱取結存案等情到府據此查虎邱一帶放生官河歷經各憲嚴禁採捕漁戶等何得勾串地匪肆行罾網顯係地保漁總得規狗縱殊屬不法本卽查提嚴辦姑寬免究據稟前情除飭縣一體禁約併取地保漁總切結備案外合就出示勒石嚴禁爲此

得一錄

卷七

放生官河條約

四

示仰各該地保漁總漁戶以及附近居民諸色人等知悉。所有虎邱山塘官河西由西瓜河起。東至度僧聚龍山塘各橋南自六房莊。北至錢萬里橋十字洋虎邱後山等處放生官河。勒石永禁。嗣後不許再行繒網採捕。責令清節堂董事隨時捐示巡查。倘有不法漁戶等。敢再私行偷捕。立即指名稟候飭提嚴究。地保漁總徇縱容隱。並提從重懲辦。決不寬貸。其各凜遵毋違。特示。

嘉慶二十四年六月初九日示

簡明捐示式

山塘等處官河

勒石永禁採捕

責令清節堂董

捐示巡察莫惰

倘有藐抗漁戶

敢再肆網撒羅

立即指稟拿究

重責柳示游圖

鄉鎮憲示

蘇州府爲據稟給示禁約事。據某某等稟稱。元境周莊鎮地方四面環河。有等漁業之人在河捕捉。邇來漸入市港。魚無巨細。搜捕一空。甚至攫取螺螄。將鉄器扒損岸脚。今漁船既聚。適市民舟擁擠水面。惟思若輩生涯亦易。豈必在市港狹窄之所。生等擬定界地。南至報恩橋。北至全功橋。西至聚寶橋。西北至全福寺港。永作放生官河。毋許採捕。不求曉諭。難以禁止。環叩查照。各善堂成案。出示嚴禁入市捕魚。以廣仁德等情。到府據此。除稟批示外。合就給示禁約。爲此示仰各該地保及漁戶諸色人等知悉。所有元邑周莊鎮市河。南至報恩橋。北至全功橋。西至聚寶橋。西北至全福寺港。作爲放生官河。不許漁船採捕。以全物命。如敢故違。許指名稟究。地保或徇縱容隱。察出並處不貸。各宜凜遵。毋違。特示。

道光二十四年五月二十九日示

放生官河規條

一放生河應設司事經管稽查如河隸書院或善堂則司歲事即書院善堂之司歲兼管其司察事即捐資經議諸君輪月稽查如遇匪人偷捕即送官究治倘司事中有遠遊及出仕或荐賢自代或公舉補缺

一放生河已詳憲辦案宜祀神立碑永禁採捕其界址所在宜多立奉憲放生河小碑石每年清明冬至兩期或天赦吉日司事率同漆石工人於各小碑石字上俱潤硃一遍以醒眾目倘有缺者正之缺者補之以符原立之數不致歷久殘缺一放生河除請給諭單嚴諭漁甲使之督禁漁戶外每年於二八兩月仍須請邑尊給嚴禁偷捕告示十數道分貼沿岸行鋪等處並給湖差坊保漁甲分班巡邏查緝牌票

一竹木簾上向多扳罾捕魚又有將樹木枝極沉於水中暗自成圍河面浮水草一叢名曰燕子窠使游魚藏聚便於偷捕至冬季尤甚宜飭差協同漁首小甲押令各漁戶將漁窠樹枝撈起盡淨並取具不再私捕雜捉甘結存案凡我同人當隨時查察如河中再有燕窠哨袋等物即協同漁甲撈去以除弊竇並賴沿河居住行鋪諸君如有見聞務祈照諭禁告示共相禁止

一放生河立碑禁捕飭河差巡緝往往始勤終怠視為具文且積久弊生漸啟分肥徇縱之端又司事稽查或遇有偷捕理言禁止即聞聲潛逸甚者反肆強梁與舟人雀角咸在波面船頭萬一失足有不測之虞事尚未臻盡善宜飭取漁首甘結俾不致通同甲長賄縱漁船或曉或夜仍滋偷捕等弊又

取地保甘結俾不致徇縱岸戶中遊手好閒人違禁扳罾恣捕傷生等弊嗣後賢邑侯遵例諭禁漁船偷捕責在漁首岸人扳罾責在地保逢有滋弊卽行呈治一冬季漕艘船上水手人等往往以扳罾捕魚爲樂奉本道憲給示嚴禁幫船水手違禁捕魚以全善舉並發憲牌一行縣俾一体給示嚴禁一移衛俾各船遵照禁約歲以爲例一現議規條倘歲遠時遷未免事有異宜恒賴賢父母慈愛爲懷諸君子維持勿替俾全河水族涵泳於光天化日之中永無網罟刀砧之厄尤深望於後之仁人匡濟也平湖放生湖一隸育嬰堂一隸當湖書院共相經理善士黃菊坪等捐田三十餘畝贖湖放生詳憲立案立石二十餘處永禁採捕仍每年捐錢數十千半買物放生半作堂中辦理費其法甚

善

放生之說其所由來尙矣蓋本古聖人仁民愛物之意而行之者也史記所載湯見四面網魚者蹙然曰嗚呼盡之矣乃去其三面而祝之曰欲左者左欲右者右不用命者乃入吾網諸侯聞之曰湯德其至矣此非放生之始耶周官之制魚禁鯤鰠數罟不入汚池所以蕃生息保物命者亦於是乎兢兢焉吾夫子釣而不綱弋不射宿君賜必畜慈愛之心藹然流露孰謂放生之說非儒者之教乎昔子輿氏導齊王以仁政卽在於恩及禽獸而察識擴充之非以此不忍之心所及者廣耶方今聖人在上休養生息澤及蟲魚諸君子仰体恩波之浩蕩而樂觀物類之蕃滋行見放生河中涵濡卵育各暢生機魚躍順流堂堂策策想當時和景明相與問諸水濱但覺依蒲在藻之樂無非太和翔洽之休盎然生趣

洋溢目前。有不必作濠濮之想者矣。

嚴禁毒魚憲示

甯波府鄞縣正堂張為照案出示嚴禁事。案奉本府憲張札奉本道憲段札開。照得甯屬各縣。每有無賴之徒。購買巴荳俗名淨剛子。或用雷公籐煎汁傾河。藥取魚鮮。無論巨細。受毒即死。河無噍類。甚至居民汲飲此水。輕則染病。重則傷生。不惟戕害物命。抑且毒及閭閻。即經前道暨本道札府飭禁在案。茲據紹郡紳士嚴嘉榮等呈請飭禁前來。誠恐日久玩生。札府轉飭示禁等因。奉經照案示禁在案。茲訪有貪利之徒。仍前售買淨剛子雷公籐等毒物煎汁傾河藥魚情事。合再照案出示嚴禁。為此示仰閭邑漁戶及諸色人等知悉。爾等須知古制數罟尙不入池。況以毒物藥取魚鮮。幾至鱗介不留遺種。其暴殄物命。莫有甚於此者。且居民買食此魚。汲飲此水。中毒染病。受累傷生。在所不免。更為民生之

害。自示之後。務各痛改前非。切勿再以淨剛子雷公藤煎汁投入河中。祇爲爾一人謀些微之利。以致害物害人。似此居心。亦斷不能賺錢獲利。倘敢抗違不遵。仍前購毒藥取魚鮮。一經訪聞。或被告發。定卽提案究處。決不姑寬。其各凜遵。毋違特示。

咸豐七年六月十五日

賞節會規約

卷七之三

近人每逢芳辰令節。必大張筵宴。以爲賞心樂事。且謂必如此方不虛度。吁。富人一席酒。窮人半年糧。席上一盃羹。厨下千百命。孽而已矣。樂云乎哉。擬賞節會條約。

賞節會啟

李青蓮云。天地者萬物之逆旅。光陰者百代之過客。蓋人生百年。如白駒過隙。垂髫卅角。轉眼華巔。逝水歎其流光。石火驚夫幻相。古人所以及時行樂者。非無故也。顧行樂之道。自有真焉。近世高雅之士。每當春秋佳日。月夕花朝。結會聯朋。釀金選勝。或山之巔。或水之湄。徜徉臨眺。相與爲樂。其在豪華之輩。則畫船燈舫。選色徵歌。虎阜秦淮。歡場蹀躞。流連筵宴。所費不貲。非是則謂之虛度。所謂賞心樂事者。非耶。然而珍錯充乎庖。而孤寒之嗷嗷待哺者。

不及問也。肥甘恣乎口，而物命之慘慘叫號者不及聞也。馳逐竟日，樂幾忘疲。醉飽歸來，味同嚼蠟。殘膏賸馥，僅供僕御拋零。一盞半盂，未許窮黎沾被。如是而謂之不虛度，然乎否耶？夫芳辰令節，一歲中為日有幾。人當此際，娛目騁懷，倍增忻暢。此誠萬物恬熙之日，而天假我以行樂之候也。吾輩名韁利鎖，終歲束縛，曾無一毫善緣。上答於天，亦已內返多疚矣。幸遇良辰美景，尚不能稍有設施，竊恐白髮無情，催人易老。良緣錯過，後會難逢。至是而歎終身虛度，也不已晚乎？今擬集十數同志，結為一會。每逢佳節，攜分赴約，烹茶小叙，作半日游。一濟孤老，一放生，命臨流登山，吟眺為樂。將見出水火而衽席，易刀俎而江湖。物沾再造之恩，人獲含飴之樂。受者歡喜無量，施者亦歡喜無量。物與我皆歡喜無量，而天之心有不歡喜無量者乎？吁！節一宵之豪飲，即可濟數十孤寒。分

半席之餘資，便可活萬千物命。如是方可謂之賞心樂事也。如是方可謂之不虛度良辰也。願與同人本歡喜心，行歡喜事，結歡喜緣。熙熙恬恬，物我皆春。庶幾皆大歡喜而成極樂世界乎。此啟。

規約

一、每年芳辰令節，如元宵、花朝、寒食、浴佛、端五、荷花生日、中元、中秋、重九、十月初八、冬至、臘八及大士誕、純陽誕、各佳節及尋春賞荷賞桂賞菊賞雪諸勝會。有館者或趁諸館日期同志務各攜分赴會。每分二百文，或能多攜者聽備作會外善事。除備茶點外，餘悉入公，以六分濟貧，以四分放生。庶幾賞不虛糜，功歸實濟。

一、訂會友不拘多少，願與者即署名會簿。每逢佳節，輪流主值。先一日值會者訂約，屆期共集。主會者不得爭為體面，於會外賠費庶可永永相繼。

一 所濟孤老。各就耳目所及。必審其的。係極貧。朝不謀夕者。方准給子。或一百二百不等。不得濫給。

一 所放生命。不拘飛禽水族。隨買隨放。不必限以何地。庶免射利者從。苟覷覷。

一 會約不拘地方。或登山。或棹湖。或就寺院。會時烹茶聚話。或談書理。或究內功。或商辦善事。或稽察功過。或各舉新聞果報。筆之於書。不得浪說無益閒談。違者議罰。

一 所備茶點。宜分外從儉。省一浮費。即可充一正用。若欲從豐。便難乎為繼。於會例有碍。必須先酌一定額。

一 會友偕來。或扶老攜幼。或挈客聯朋。務使父子兄弟朋友。各極其歡。同襄善舉。叙天倫之樂事。聯故舊之歡情。誠人生難得之佳會也。

一 蘇郡彭氏惜字會。每兼放生。此會亦可兼及惜字。約諸同人。務須沿路收拾字紙米穀。不拘多少。以作相見之儀。迂事也。實韻事也。

區種章程

卷七之四

王者重農貴粟。耕三餘一。耕九餘三。所以預為凶荒之備者。已無所不至。而耕之中。有可以用人力。而得數倍收者。裕民足食。積穀備荒。莫過於此。是可采擇試行也。述區種章程。

區種章程

區種之法。不論地土之肥磽。隨地多少。皆可種植。每區計地一尺三寸。每畝積算二千六百五十區。止種六百五十區。一區可收穀七升八升不等。大旱亦可得穀三四升。洵為備荒之良法。王禎曰。叅攷汜勝之書。及務本書。謂湯有七年之旱。伊尹作為區田。教民糞種。負水澆稼。諸山陵傾坂。及田止城上。皆可為之。其區當于閒時。旋旋掘下。正月種春大麥。二三月種山藥芋子。三四月種粟。及大小豆。八月種二麥。豌豆。隨時為之。不可貪多。夫豐儉不常。天之

得一錄

卷七 區種章程

一

道也。故君子貴思患而預防之。是知此法由來甚古。特為採集古
今人傳播成式。條列于左。以俟留心者做而行之。可使游惰之人
各務精勤。凶年又免饑饉。一舉而兩得也。

一每田一畝。闊一十五步。每步五尺。計七丈五尺。每行一尺五寸。
該分五十行。長一十六步。計八丈。該分五十三行。長闊總算。通
共二千六百五十區。每區四方各一尺五寸。見方二尺二寸五
分。空一行種一行。隔一區種一區。可種六百五十區。不種旁地
以收地方。

一區田畫就。每區挖深一尺。將鬆土起出。此就應種之六再起出
鬆土寸許。用熟糞一升。與寸許土和勻。歸入區內。將籽種均勻
撒在上面。用手在糞土上按實。使土與籽種相粘。然後將起出
之鬆土覆上。且勿過厚。後穀芽將探起時。漸漸添土鋪平。隔處

便人入內澆灌耘鋤諸事。

一苗出時相去一寸半。畱一株區之。邊上多畱一株。每行十一株。
此是區內種稻之行。非每區一百一十株。只看粗壯好苗。約估
節前每行寬闊之行也。每區一百一十株。只看粗壯好苗。約估
揀留。不必逐株細數。總不可貪多。收成時自然獲利。區有四邊
一畱空三邊也。

一禾苗留足之後。俟當鋤之時。製一小鐵鋤。寬一寸長四寸。鋤去
野草。如鋤過八徧草盡。土鬆。結子飽滿。禾穗長大。如肯加功勤
鋤。卽尋常種植。收成猶多。况區田乎。

一區田禾穗長大。所結穀粒甚重。定要下墜。况遇大風搖擺。一經
臥倒。便恐傷損。須于苗出有尺許長時。卽用土壅。漸長漸壅。遇
大風不致吹倒矣。

一凡田不論美惡。總須糞以肥之。况區田既不擇地。未必皆屬沃

土。糞壤最爲要緊。田畝歲歲種之。土敝氣衰。生物不遂。必儲糞。朽以糞之。則地力常新。而收穫不減。

一凡高原平坂。正陂及宅傍空隙場地。但以一只五寸畫區。雖奇零尖斜橫曲。無不可做。其區當于閒時慢慢開掘。弗貪安逸。致臨時急促。田多之戶。餘田照常栽種外。量種二三畝區田。豐年固可倍收。卽大旱亦有區田所得。足資口食。田少之戶。儘可竭力行之。以收水旱無虞之利。大率一家四五口。可種區田一畝。多者增加。少者弟兄子姪合種一畝。或分區各種。無不可也。區種獲數之多。人皆疑其爲誕。但考之齊民要術云。昔兗州刺史劉仁之在洛陽。於宅後十七步之地。畫爲區田。收粟三十六石。又考雍正四年。直隸巡撫李公維鈞在保定城內。嘗試行之。據稱播種灌溉。未盡如法。然一畝之地。已得穀十六石。康熙丁

亥。桂林朱龍耀爲蒲縣知縣。曾行之。有驗。後陞太原司馬。亦於署中後圃爲之。每區得穀五升。畝可三十六石。無疑。康熙末。聊城鄧鐘音亦嘗試種。每畝所收實多。常田二十斛。衢州詹文煥監督大通。於官舍隙地爲之。計一畝之收。五倍常田。又有廣潤別駕方鳴夏在蘭州時。教張姓者治區田一畝。得穀三十六石。後歸江甯。以其法語族人。亦治區田一畝。得穀三十八石。乾隆時。建昌觀察李公餘三於衙署後仿行之。豫章帥念祖亦仿行之。收穫皆符其數。至道光八年。蘇州潘相國哲嗣於婁門外。以其法課種稻禾。及時耕植。果獲豐收。遠近村農皆所目擊。次年又於葑門外擇田試種。亦復應驗。由是觀之。區種多獲。又何疑焉。使今之田主及業農者。果皆信而行之。將見家給人足。鄉閭不至終窮。由是講讓型仁。禮教得以漸復。入事父兄。出事長上。

汜勝之書云區種芋。區方深各三尺。下實豆其尺有五寸。以糞着其上。深如其其。區種芋五本。旁四本中一芋成其爛皆長三尺。此本漸漸培之。亦良法。今之農不然。但于淺土種子。俟苗成移就區種。故其利薄。夫五穀之種。或豐或歉。天時使然。芋則繫之人力。若種藝有法。培壅及時。無不獲利。以之度凶年。濟饑饉。助穀食之不及。

區種瓜瓠

區種瓜法。六月雨後種。菘口。八月中犁掩殺之。十月又一轉。即十月中種瓜。率兩步為一區。坑大如盆口。深五寸。以土壅其畔。如菜畦形。坑底必令平正。以足踏之。令其保澤。以瓜子大豆各十枚。編布坑中。瓜子大豆兩物為雙藉其起土故也。以糞五升覆之。又以土一斗薄散糞上。復以足微躡之。冬十月大雪時。速併力堆雪于坑為大堆。至春草生。瓜亦生。莖葉肥茂。異于常者。且常有潤澤。旱亦無害。五月瓜便

熟其指豆。與常同。若瓜子盡。生則大。築指出一區。留四根足矣。

區種瓠法。收種子須大者。若先受一斗者。得收一石。先受一石者。得收十石。先掘地作坑。方圓深各三尺。用蠶沙與土相和。令中半。若無蠶沙。生著坑中。足躡令堅。以水沃之。令水盡。即下瓠子十顆。復以前糞覆之。既生長二尺餘。便總聚十莖為一處。以布纏之。五寸許。復用泥泥之。不過數日。纏處便合為一莖。留强者。餘悉搯去。引蔓結子。子外之條亦搯去之。勿令蔓延。留子法。初生二三子。不佳去之。取第四五六區。留二子。即足。早時即澆之。坑畔周匝小渠。子深四五寸。以水停之。令其遙潤。不得坑中下水。不論草木。凡根株大者。俱宜遙潤。

備荒瑣語

稗史彙編曰。甘藷或曰芋之類。根葉亦如芋。大如拳。蒸食味如薯。

預海中之人壽百餘歲者。由食甘藷故耳。沙土深耕厚壅。大旱汲水灌之。無患不熟。閩廣人賴以救飢。其利甚大。

又曰。諸苗二三月至七八月俱可種。但卵有大小耳。卵八九月始生。便可掘食。若未須者。勿頓掘。居土中日漸大。南土到冬至。北土到霜降。須盡掘之。不則爛敗矣。其種宜高地。遇旱災可導河汲井灌溉之。在低下水鄉。亦有宅地園圃高仰之處。平時作場種蔬者。悉將種藷亦可救水災也。若早年得水。澇年水退。在七月中氣後。其田遂不及藝五穀。蕎麥可種。又寡收而無益于人。計惟剪藤種藷。易生而多收。至于蝗蝻為害。草木無遺。種種災傷。此最為酷。乃其來如風雨。食盡而去。惟有諸根在地。薦食不及。縱令莖葉皆盡。尚能發生。不妨收入。若蝗信到時。能多并人力。益發土徧壅其根節枝幹。蝗去之後。滋生更易。是蟲蝗亦不能為害。故農人家不

可一歲不種此。實雜植中第一品。亦救荒第一義也。

又種藷法。種宜沙地。仍要極肥。臘月耕地。以大糞壅之。至春分後下種。先用灰及剉草或牛馬糞和土中。使土肌散。緩可以行根。重耕地二尺深。次將藷種截斷。每長二三寸種之。以土覆深半寸許。每株相去數尺。俟蔓生盛長。剪其莖。另插他處。即生與原種不異。又曰。人家凡有隙地。悉可種藷。若地非沙土。可多用柴草灰雜入其土。其虛浮與沙土同矣。即市井湫隘。但有數尺地。仰見天日者。便可種得石許。其法用糞和土晒乾。雜以柴草灰。入竹籠中。如法種之。

農書云。稗多收。能水旱可救儉。孟子言五穀不熟。不如黃稗。淮南所謂小利者。皆以此。且稗一畝。可當稻稗二畝。其價亦當米一石。宜擇嘉種于下田。藝之。歲歲無絕。倘遇災年。便得廣植。勝于流

移搶拾不其遠矣

借米實惠法

卷七之五

陽羨玉涵子曰康熙九年吳越大水吾宜爲甚吾鄉名東村者爲尤甚予有田頃餘在焉去冬偶過之行其巷寂無人聲非鎖門而他出則闔戶而就寢余深訝焉或告予曰凡鎖門者殆舉家行乞他所闔戶者殆絕粒而僵臥不起耳予大驚曰然則不久已死乎曰但未至是也凡吾村之困守家居而不遠行丐乞者類皆以網罟作本以蝦魚爲資每得蝦魚一斤可賣米半升輒得一日活數日來雪大冰堅無可施網又今年巨浸蘆葦亦淹沒無遺雖欲採薪以沸水亦不可得耳春二月復過之忽有言曰昨有某者三歲兒餓死矣余駭甚而問其狀曰吾地邇來惟割野菜馬蘭雜煮而食雖得些少米不敢以爲糜也惟粉之而入於草湯中_{○周○澹○木○日○俱○極○慘○極○流○民○困○給○不○及○此○}可以得膩藉以稍通饑腸耳是家無撮糊入甕數日矣兒幼不能草餐母絕

粒許久。豈復有乳。是以過死耳。予淚潛然下。不能收。思上年之水。凡麗吾地者。真極難矣。計予業田二百餘畝。得租不過十七石有奇。因漕白緊急。盡數輸倉。所存欠數。謂當賣產借貸以償矣。忽遇天恩。准以水災捐折。反領米四石九斗有奇。以歸。豈不可譬之。未嘗捐折乎。此村立就危亡。吾家尚日三餐。又三日粥。輒欲一餐飯。見此光景。而私此四石九斗有奇者。以獨豐義。不忍時二月廿四日也。中夜以思。余持此米將何爲。而可乎。欲施以煮粥也。則余見煮粥之弊矣。煮粥者環一二十里。而設一場。飽暖者未必不近。飢寒者未必不遠也。飽暖者不宜食。其無恥者未必不食也。聞粥一熟。羣相鬩然。吾見有大桶小盃而攜歸以餉其工人者矣。又取多積剩而臭腐。以及夫犬豕者矣。遠方飢民。在十數里外。扶老抱幼。衝風冒雨。顛蹶而至。則鍋已罄空。相向一慟。枵腹而歸耳。夫少壯

者。得以自達矣。衰穉婦女。何以自達乎。晴天暖日。不難早候矣。雪霜泥濘。豈能早候乎。况今春作方殷。農務正急。若舍一日之田功。而往返十數里之遙。以就二三碗之薄粥。將來秋收。甯復有望。性命旦夕。苟延活計。愈加斷絕矣。故愚謂不如計口分賑。領歸自煮之便也。出米以賑者。誠莫大之功。然人皆吝財。誰肯竟捨。有出無入。事實難行。雖以官府臨之急之。而嚴戒切責。勸之而禮貌溫文。終莫肯應也。卽有十分好義者。吾知其出之亦有限矣。今使有人於此。與之米一升。明日卽無以繼。有人借之米五升。至冬要還一斗。二者不可得兼。其人必甯借五升矣。蓋與而無繼。究必餓死。借重利之債。而可以得生。將來秋收一熟。奚難此一斗乎。故愚謂勸賑不如勸借之便也。然今日之借。不患利息重。而惟患不肯放。放債者富人之所樂爲。而在。今偏不肯爲。巨萬家貲。錙銖以積。連厥

積。囤。羣。視。眈。眈。一。人。肯。借。十。人。豈。得。辭。乎。一。升。可。借。十。升。甯。便。已。乎。歲。荒。民。歎。借。去。尙。肯。還。乎。擁。粟。積。錢。如。負。重。債。囂。囂。羣。口。竟。同。敵。讐。幸。天。下。太。平。眾。皆。明。妬。暗。嫉。摩。掌。疾。視。鴈。行。相。持。而。莫。敢。輕。動。也。一。旦。有。變。彼。堆。千。累。萬。者。負。之。將。安。往。乎。然。以。今。之。勢。苟。不。力。爲。斡。旋。亦。未。必。保。能。無。變。也。富。人。刺。肥。貧。無。半。粟。富。家。厭。羅。綺。貧。者。衣。百。結。尋。常。亦。諉。於。命。而。安。之。矣。同。是。人。耳。竟。甘。心。獨。稿。餓。以。死。哉。且。不。借。者。將。謂。其。必。賴。乎。竈。冷。烟。空。朝。不。謀。夕。藉。此。救。命。奚。忍。負。恩。計。口。而。給。不。過。升。斗。秋。收。一。熟。等。之。錙。銖。崔。子。曰。惠。不。在。大。濟。人。之。急。可。也。濟。人。只。在。急。時。凡。衣。食。不。缺。之。家。不。過。暫。值。荒。歉。耳。若。肯。竭。力。節。省。豈。無。一。石。五。斗。贏。餘。省。得。一。石。出。卽。可。救。百。人。三。日。之。饑。省。得。五。斗。出。亦。救。百。人。日。半。之。饑。矣。吾。米。尙。不。滿。五。石。欲。以。出。放。濟。貧。豈。不。令人。齒。冷。然。只。要。與。吾。輩。作。一。榜。樣。做。

一。前。驅。耳。計。熟。矣。恨。不。卽。曙。黎。明。卽。起。書。片。紙。曰。史。八。房。有。米。五。石。出。放。其。米。作。價。至。冬。償。還。其。息。加。二。凡。本。村。極。貧。之。家。論。丁。分。借。此。知。時。余。僕。莊。四。在。傍。余。語。之。故。且。備。告。以。作。價。加。息。便。宜。事。而。莊。四。曰。僕。幸。邀。主。庇。積。省。得。米。一。石。不。須。自。食。亦。可。搭。放。以。濟。人。乎。余。喜。吾。術。之。得。行。而。此。法。之。果。可。以。行。之。人。人。也。急。領。之。日。是。極。善。遂。續。書。其。下。曰。下。人。莊。四。一。石。亦。放。時。值。清。明。余。以。執。事。祠。祭。無。暇。過。彼。而。已。有。先。余。而。告。之。者。矣。相。與。踴。躍。稱。快。晡。後。余。至。則。益。相。與。嘆。息。致。感。余。愈。愧。赧。不。自。勝。因。挾。前。片。紙。不。敢。出。忽。一。人。大。聲。言。曰。審。若。是。我。等。窮。人。今。茲。或。者。尙。有。命。乎。我。等。平。日。借。貸。於。人。慣。矣。雖。加。六。加。七。而。未。嘗。一。負。也。乃。今。者。過。之。而。俱。謝。無。有。也。無。已。以。倍。稱。許。之。而。益。謝。無。有。也。翳。其。無。者。咸。以。爲。今。歲。非。放。債。之。時。也。今。秋。甯。再。大。水。乎。若。其。有。收。奚。至。負。此。擔。石。活。命。

之債也。若其無收，吾將視其擁此仍仍者而獨食矣。無非怕有富名耳。官人寧富者哉。余曰：眾等皆在，是此紙可以無貼矣。眾曰：豈官人是爲要欲令通邑式也。請卽列之通衢，因請余出放之期。余曰：今米尙在城中，廿九卽月盡，其次月初一乎。眾散去，獨有一人尾予，後私請曰：官人能餘米在此閒乎。余曰：前者因築圩塹，給發飯米尙存數斗，又板瀆圩佃，該我結數斗，今還當問我家人。周百福耳。其人曰：官人放米前後等耳。余家七口三日無粒米下鍋矣。遵官人論，丁分借法當得二斗有零，今可以一斗先惠予乎。余曰：吾應汝然，勿令他人知。余先歸，俄而此人至。余視剩米約有三斗，卽以三斗與之。其人向天連叩首曰：官人積德如此，皇天、皇天，你必速報余，急扶之起，謂曰：我放米與汝，又作價要利錢，非捨汝也。何至作如此狀乎。其人曰：如余等人，今者孰肯借余一勺乎。雖加

十加廿，亦萬感也。余有一媳，十九歲矣，有娠，因合門將餓死，欲出脫一人，兼可得眾人活。媳請曰：當此荒年，身居貧賤，廉恥之事固不足言。獨恨婦有重身，已五月矣，將持此誰適乎。只待相向同死耳。今得官人米，又再挨過去矣。俄而又有一人至，日見彼尾官人後，似有所私者。吾家極慘之事，且不及言。尙有餘剩，卽惠余乎。余罄量且及一斗，急與之。比余入城，則前此四石九斗有奇者，已爲內人買薪市鹽雜費用去二石矣。急省飯米一石補入，而尙少一石也。且下鄉再圖之。初一日，眾等將來領米，余先令人告曰：不須皆來，只二三人領去足矣。俄而五人棹一破舟至，內二人卽前日之先支二斗一斗者外，又同一人，乃余舊佃。余識之，遙問曰：汝非此村人也，何以至是。其人前致辭曰：某實不住此村，頃來饑腸欲絕，聞官人放米特來相央耳。余謂曰：吾前許五石，今不自意缺一

石而無從措也甯尚有餘能及汝乎其人力懇添彼一丁以與此
村人均分五人者辭曰吾村已論戶照丁派定雖勺合會不相假
也吾等雖欲便汝真無由若官人此處能多出必與汝矣其人淚
懸懸欲下歎息以視余命先將四石量訖喚周百福取前所收板
瀆圩米來至則帶陰元米六斗命傾之盤中則熱氣蒸蒸欲爛矣
蓋余收租必用官斛故每得佳米而彼人見今歲米貴雖稍收亦
屬貧艱故不覺攪水太重耳余曰今無奈只得湊汝去但不須利
有二人者喜曰是竟與我吾視之亦甚甘而可以免息也餘少四
斗則前已發過三斗矣止缺一斗余入內細檢得一上年藏米舊
團糶後尚有少剩也余悉取出見中有空蛀及草屑余命篩之又
簸之併歸盤中在傍者咸笑曰是殆一斗有餘暗察前佃面忽欣
欣有喜色余命量清一斗再量得八升前佃急前請曰是甯得不

借我乎余曰是畀汝而前領過二斗者忽愀然曰吾此行人家所
分不過數升矣今地下有狼籍及蛀屑空頭可以施余乎余急命
盡掃以去彼四人者出一紙上細開三十二家共一百七十六下
止分所借米六石耳悲哉夫余之此法既詳且穩矣作價以償防
秋熟而米或賤也加二起息以週年計之即加三也既可獲利又
救人性命天下無此兩便事也吾輩要大修行積德舍去此等時
再無此好機會也而繼余者尚鮮何也意皆實處於不足耳夫下
人莊四甯有餘之家乎亦放一石毋論一石即一斗二斗皆可濟
人苟其出之必有受其惠者若自己偶乏而轉借以放尤見至心
吾輩遇此歲年錢糧賠累食指繁多自難尚有餘剩惟是平昔行
誼苟足信人但一開口告貸代人生息人之與余不待卑辭而苦
口也借來放去仍討來償還不過一擔當轉換間耳無損於已而

大有濟於人何惜此點點面情幾許筋力任人展轉垂危而不一
 援手耶因義倉社倉之不能旦夕復而欲使出者不傷財受者立
 有濟愚謂此放貸賑法之切實可行可以人人行之為甚便也立日毋論社倉難復似此隨地為社時有社倉不用收貯又無侵盜真前此未有之議後此必傳之法
 其法以十家為甲甲有長通地為村村有長一圖為坊坊有正其
 人必擇地之公平有信行者為之一人不能獨任再擇一二八分
 任之甲內饑民甲長村長結報隣甲隣村查核達之坊正坊正勘
 實入冊男子全給婦女及七歲以下半給其三歲以下及無行之
 士與從來丐乞者不與計丁分借具米色必論高低會同牙行三
 面作價至冬還亦如之其斗斛出入同用流鬲其息加二放米之
 家借戶書與借券甲長村長作中坊長照數入冊本坊之米即放
 本坊其本坊米少而借之隣坊者借戶書借券外坊長村長另立

收領認與追清務期有放必還有米樂放或曰其利不可以已乎
○善○行○法○者○
 曰此又子貢贖人不受金子路救溺而受牛之說矣凡立法要使
○久○富○隨○時○制○宜○
 久而可行其刻待借者所以廣勸放者而加惠貧民實所以安富
○主○意○
 民也

恤寒會事宜

卷七之六

生人之苦。莫如饑寒。而寒更甚於饑。當雪夜冰天。死者必倍。於平日。可見受凍而死。更迫於受餓而死。餓猶可稍緩。須臾。凍則難延。頃刻。禦寒之備。所關正非細故也。士大夫消寒有會。亦知門以外。有無量孤寒。呼號待命者乎。擬恤寒會事宜。

一施棉衣。無衣無褐。何以卒歲。得棉衣褲一身。即可度過殘冬。故冬月施衣。得則生。不得則死。最是寶惠。冬月施衣。向例必待仲冬嚴寒之候。以為太早。則恐變賣也。然寒信不測。徃徃初冬。即見冰雪。薄寒中人。最易成病。其無衣無褐之人。一遇寒風。即難忍受。設身處地。吾輩授衣之日。當為此輩一想。况變賣之人。皆係無耻乞兒。非可因噎廢食。鄙意施給棉衣。宜於十月初旬。即應查給。若慮乞丐變賣。則衣之前後。可用花樣大印為記。

或竟施秧韉背心。或稻草韉背心。或先施粗麻布袋。或蒲包席片。聊以遮寒。總在乎有心者之盡心曲體耳。待衣者衆。或力不能多辦。或多製秧韉背心。以施貧者。卽草衣亦可禦寒。前裕魯山中丞。在武昌任時。曾製以給散者。又難民得絮兩塊。護前後心背。便可不凍死。必無可辦。卽用絮兩方亦可。

一施風帽。肩挑貿易之人。往往五更早起。冲冒風霜。最屬可憫。能多備風帽。施給大爲方便。

一施絮被。老年幼穉。床無絮被。最難度活。須另備絮被。凡老年無告。及寡婦撫孤。貧戶生產。實在無被者。查給之。

一施柴炭。凡遇大雪連朝。貧戶不能出門尋活。餓而兼凍。必致僵仆枕籍。此時最宜趕緊查訪。除送擔粥外。尤宜施送稻草。炭火。俾可禦寒。功德比尋常更加十倍。極寒天氣。窮民衣少。恐

不足恃。惟有多積炭火圍烘。或用柴火徹夜烘之。可免凍僵而死。難民局遇風雪之夜。凍死者不可數計。此皆司其事者不知料理安排。誤人性命。此中罪孽。推諉何人。願此後當其事者。慎之戒之。

一設粥。窮民寒餓。得熱粥一碗。便可支持。故嚴冬設粥。爲濟貧妙法。或竟施給。或半價發賣。均可隨時斟酌。若遇風雪之期。貧人出門不易。必須擔施。方爲盡善。

一設庇寒所。或每鄉祠廟。撤空屋數間。中鋪稻草。以便窮民借住。免其露宿。責成一二人專司。收管料理。緩急如無空屋。或搭草廠一所亦妙。

一施草韉。難民臥地。往往受濕。其臥處必多鋪稻草。或作草韉。能以板架起更妙。每十日一換。掃淨污穢。以免觸冒。其臥處必

備尿桶。毋許就地便溺。更須時焚蒼朮。以辟穢氣。

一施炒米薑湯。窮民小本營生。往往侵晨入市。枵腹冲寒。情實

可憫。宜給予炒米薑湯一碗。聊以禦寒。蘇城閭門外。渡僧橋

下。冬月清晨。施炒米薑湯。最為方便。

一送粥擔。凡遇冰雪風雨之期。須早煮熟粥。或不能行。不能起

者。須擔粥送至其地。俾令就近取食。倘有凍僵垂死之人。用薑

湯灌之。或尚可救。老人給與熱土。擊一方。更妙。

一查造衣冊。施衣最易滋弊。一人冒領。即有一人受凍。動關性

命。經手者。功罪判然。豈可忽略從事。故須預先按戶清查。必得

實在無衣貧戶。方准給票。其稍有寒備者。不得徇情濫給。方為

功歸實在。

一換濕衣。乞丐冒雨濕衣。或傾跌爛泥。無可更換。和衣臥地。其

寒入骨。病發難支。凡遇此輩。須另備棉衣。為之更換。

一施草鞋。乞丐雨天行乞。破鞋為爛。泥濕透。寒入足脛。易成濕

毒。宜各施以蒲鞋木屐一雙。其赤足者。即施蒲鞋一雙。亦妙。

一施帽領。窮民科頭赤頸。無以蔽寒。宜多買舊破毡帽。或小帽

給之。其領則以布縫棉。所費亦屬無幾。窮民之受惠多矣。

一更夫柵夫。徹夜守候。冒犯風雪。其棉衣褲尤宜及早給發。以示

體恤。并須每人給棉風帽一箇。更妙。

地。又俟年月之秊。又俟有餘貲。此三侯者。遷延歲月而不可齊也。勢愈重而罪愈深。今集同社數十人。為勸勵之法。以七年為度。期於皆葬。謹陳數則如左。

一 凡欲葬其親。願入社者。各書姓氏。滿三十二人。則止。每人詳列同社姓氏。粘諸壁間。遇有葬者。則註其下。曰某年月日。其親已葬。以觀感而愧焉。

一 凡有舉葬者。同社各出代奠三星。有力者或稍從厚一以為敬。一以為助。或至墓。或至家。一拜而退。主人惟各登拜。以為謝。無纖毫酒食之費。

一 同社者。眾不能遍告。促金各隨其親朋遠近。分為東西南北四宗。每宗八人。自叙長幼。輪年捱次。一為首。一為佐。凡所宗內有葬日。則以語於各宗之首佐。各聚其所宗之金。而函之上書。奠

儀。註曰某宗。下書同社某某同拜。主人無答簡宗者。不失可宗之義。仁孝相勉。異姓猶同姓也。

一 每宗首佐躬拜。其餘可至。可不至。或首佐有事。亦可捱代。如志同而地隔。度後往返不便者。不必共社。倣例別成可也。

一 所費甚薄。而貧者猶以為艱。然有為浮名社。刻而費者矣。有呼虛酣宴而費者矣。即不然。譬有至戚吉凶大事。不得已而多此一費者。又譬有泛交套儀。而其人偶受之者。今費而必酬。則是

葬親之外府也。且受金不權子母。較諸稱貸舉會者。利已多。豈有不酬之理。凡有葬。知期前三日。金不至者。宗首罰之。宗首犯

者。旁宗首罰之。凡罰於本金外。加三星。

一 親未入土。禮宜疏布持齋。而大拂人情。則相從者少。今願齋戒者。短長任意。惟每月朔望及親忌日。及祀祖之日。俱不得華服。

茹葷此僅餼羊之遺意而尙不能者不必入社既入而犯者亦罰如例此所罰註月日封押存宗首處俟偶有葬者併入函贈之受者於原罰人之葬日答其半

一七年之間貲可徐措地可徐擇日可徐消念釋在茲庶能勉強蓋三年而力不足又以三年遲之又久將復何需不得已而又一年再不葬者從前之費無所復酬所以爲大罰也無已則於八年之葬者衆答其半以存餘厚過此復何尤乎
一人數既定約於某日共至公所聚會信誓以期必遂期滿而親俱葬復聚會告成任意豐歉醪飲以相慶

楊園先生跋

養生送死子職所共當禮稱財人心攸盡是以我獨不卒雅著蓼莪之哀凡民有喪風垂卹匄之訓義苟隆於報本情自切於

感興餘溪唐子以錫類之至仁舉葬埋之正誼期於七載統厥四宗勸勵資乎友朋念釋斷乎已志不封不樹食息豈忘泚然既降既濡俯仰能無沓若要使苦苴靡怠日月有時人無不葬之親親無久塵之櫬傷哉貧也文不備寧戚有餘安則爲之遺其先遑恤其後式茲里俗咸與孝誠斯云厚德之旌旌葬倫之鵠的者矣

附補例三條

一原約同會始終兩會而已竊恐日月寢久相見太疎不免怠忘之患宜於每歲之首特加一會其已葬者於會期申再拜稽顙之禮以致謝既省登拜之煩亦使未葬者有所觀感而於一歲之中矢心積力以期必葬則是歲舉事者必衆矣其會以已葬者司其事而不任費

一 同會之人不踰桑梓。非其親黨。則通家隣舊也。聚會之人不妨率其子弟。以至世好。既敦亦明。禮讓其有。佻達不敬。父兄遊浪。不務本業者。同會教戒之。

一 藍田呂氏鄉約。敦本厚俗。莫此爲甚。今日之集。特從流俗之極。做人之心之最溺者。先爲之導。宜於會日。講明其義。使相輔而行。庶乎仁義之風。久而寢盛。異時卽不立社可也。

附烏青葬會規條

一 是會爲貧不能葬者設。貧人力難營葬。必集衆資。方可藏事。茲敘四十人爲一集。在集每人出錢捌百文。合四十人計有三十二千文。足敷葬費。各憑掣錢得錢。掣得者卽可辦葬。一年敘會四次。十年爲滿。則四十人葬事皆舉矣。

一 每集一次。定於四仲月望日。午後爲期。不及徧邀屆期。各資足百錢。捌百文。親赴西土地堂公所。齊候掣籤。風雨無阻。其或緣事遠遊。須預託一人代爲資錢。掣籤不得誤期。

一 四十人分四宗。舉四人爲宗首。公請二人爲司會。願入會者。告明宗首。轉達司會。卽將里居姓名。註入會册。倘有屆期不到。司會卽囑該宗首。先行代應。掣籤無論得與否。限次日宗首自行追收。不得稍任遲延。

一 是會平收平發。並不加息。臨期收會齊集公所。請一長者在上。先向同會姓氏籤筒中。掣取一籤。看明某某姓氏。高呼某某。本人答應。卽向得會籤筒中。自行掣取一籤。看籤上有是爲得之。四字。卽爲得會餘。俟下期再敘。無庸爭先論後。

一 掣籤得會者。所收錢文。存留公所。卽備葬料。不得因他事借用。致誤葬事。

一 營葬磚瓦石灰工作等項。議歸宗首辦理。每收錢一次。先辦葬料。存儲公所。俟葬主擇吉。臨期着泥司載料送地營造。

一 葬地係歸葬主自辦。不與會款干涉。惟葬事既歸公辦。不能徧及遠方。現經稟請。分府憲移知烏程歸安秀水石門桐鄉五縣備案。禁止阻葬惡習。凡在會中卜地自宜。近在程安秀石桐五縣境內。方能公同辦理。

一 臨葬遇有鄉惡藉端阻葬。凡我葬會中人。各宜自備供給。約同到鄉排解。如不得已。司會宗首及葬主公稟地方官懲辦。應用川資。照會中人公派。俾葬家任輕易舉。不至獨力難支。致誤葬期。

一 凡掣籤既得。擇定安葬日期。欲領葬料工食諸費。必須於親族中。請一衆所共信者作保。協同該宗面立收據。領者保者俱要書名畫押。將收據存於公所。俟會滿檢完。倘已收已葬。後來短發會錢。該宗向保人索取。不任拖欠。

一 欲與會者。無論爲祖父母爲父母。或族戚鄰友。悉從其便。至營葬時。必須告明登册。

一 所集葬費。叁拾貳千文。現因工料俱貴。本係僅敷兩穴。惟葬主或有兩妣。卽須三穴。自應葬主另措壹穴之費。倘或實係無力。

情願稱家辦理。不妨轉致該宗。將會款從儉置備。以兩穴改爲三穴之用。俾得速安窀穸。現在先後共成四集。每集四十人。照章辦理。將來如有同志隨時增集。多多益善。是所望也。

永安會條程

語有云。入土爲安。蓋謂送終之禮。一日不入土。先人魂魄一日不安。卽人子之心。一日不安也。顧或有以家貧乏力。不能舉事。因以遷延時日者。亦人子之隱痛也。非有好義親故爲之設法相助。孰能早安窀穸也哉。述永安會條程。

永安會議

未俗葬親。用磚費多難辦。貧者無力。因循歲月。不獲已而爲火化。僅免暴骨無瘞。人子之心。誰能堪此。梅里李繹芻先生用古白雲葬法。舉葬親會曰永安。每會助銀三錢。歲兩舉。訪里中久淹未葬者。爲之經營窀穸。事竟。隻雞盂飯。肅拜以妥安其靈。而遂無類泚之傷矣。因欲仿其法。行於郡中。吾郡道里遼濶。好善者多。會費約以貳錢。費少則易輸而可久也。夫貧士委親棺于荆榛蔓草中。風

霜雨雪之交加。狐兔蛇蟲之雜處。或苦力綿。或苦無地。以致暴露。未有不銜隱痛。一朝舉以就窆。實生死被之。是以徧告同志。勸成善果。在富者好善樂輸。固未嘗望報。而天之報施。豈或爽哉。集成卽刊。與會諸名。以垂不朽。使他郡聞風。繼起以共敦仁厚。亦皆吾郡諸君子樂善之勸也。

條規

- 一 同人中有好義者。合數人爲會首。每一人募十會。總彙一冊。交司事處。至期。司事發票收錢。設簿登記存貯。臨期營辦。
- 一 司事每年輪當。遇葬經理其事。再撥協辦二人。卽司事中間定一會期。准於二八兩月初十前發票。定於十日內收齊。每會收錢百六十文足。俱存留司事處。總交當會。
- 一 旣慨然尙義。自無中倦之理。倘欲中止。須覓友頂補。庶不致廢。

也

- 一 凡欲葬而力未能者。先書姓氏年庚。及柩幾具。地在何處。詳悉書明。告之堪輿。司事酌量舉行。
- 一 葬於公共祖坟上。或有族衆阻撓者。本家自行清理。與會中人無干。
- 一 凡欲葬之家。柩多者。須於柩上記明某公某氏臨葬時。如本家乏人。或親或族到地送葬。務使夫婦同穴。昭穆分明。倘有位置舛錯。與會中司事無干。
- 一 停棺年久。底若朽爛。無可舉動。預置小榘。或備大罈貯骨。若稍可動者。豫備襯板。以便扛移。
- 一 柩多費繁。本家親戚能助葬者聽。
- 一 凡已葬諸家。每年司事刊刻徵信單。分送單上註明某月某日。

葬某宅

只用姓名不用名號

樞幾具于某氏冢用錢若干俾與會者得以

隨時查核則經理者不致侵用浮開等弊

一白雲葬法量棺之大小開金井假如棺高二尺須開深三尺下鋪灰尺厚以足踏之令實按棺于上棺之前後左右所開視棺約濶八九寸量可容足為式按棺厚之周圍鋪灰每一尺厚約踏至七寸許再加再踏至齊棺再于棺面鋪灰卻不可踏以手按之越厚越好成堆即挑土淋珠以大為妙其配灰之法每棺兩具酌用灰十担或增一棺量加灰三担每灰一担用山沙或山黃泥三斗又土黃泥三斗俱晒乾篩極細臨用時將石灰酒水少許以物蓋之灰便散即和泥沙拌勻乾鋪乾踏並不用水覆以坏土俟得雨露滋潤漸融漸緊自然成水乳膠漆之妙雖斧鑿不能改正如石之蘊玉也

所葬或三代中間築石灰墻子二道二代築墻子二道不獨尊

卑有別并取堅固也其有三娶四娶棺木多者酌用墻子同

一宋儒有灰隔法即白雲葬也周圍墻子務要築實蓋頂必須騰厚一尺有餘日後不致坍塌

一沙必用鳳口隨時豫辦泥須秋成後乘鄉人空閒擇晴天先置

落白篩二面買泥雇人篩好同沙堆運空屋立出入簿二本一

存與當會司事一存總局經理處臨用當會者先登明簿上出

泥沙若干發一小票總局照票發付登簿倘徇情移借公議倍

罰

一發灰先一日用的當小工二人發好臨期和泥與沙入灰內將

三項伴勻篩好如所葬二棺大小工要六人三棺再添一人每

人約發工食錢八十文若多至八九棺必須十二人動手方得

堅固

一是會年來辦事乏人如秤灰督工記載出入等事必得精明善辦者爲之經理庶無差悞倘在會君子能出力幫辦尤見氣誼一每年所葬棺墳若不刊刻信單分送無以見實力奉行之迹若必某人某氏詳細開列恐傷仁人孝子倘在會君子欲觀其詳者至值會司事處底冊上核閱可也

保墓良規

附義塚條約

卷八之三

墳墓者宗祖骨殖所棲托。祖宗安則子孫亦安。氣相感也。惟人事靡常。變端百出。孤墳三尺。誰保百年。不有代爲護持者。九原能無怨恫耶。述保墓良規。

今夫祖宗之賴有子孫者。養生送死之外。惟此春秋祭掃。保守墳墓爲重耳。無如人之貧富不同。丁之多寡不一。或有門衰祚薄。餽口四方。不能照應墳墓者。或有年遠乏嗣。無人祭掃墳墓者。遂使祖宗墳墓。使爲鄰右侵佔。繼爲奸佃盜賣。青塚易處。白骨何存。李戴張冠。年年變幻。以移塚作生涯。以盜墳爲恒事。雖有王法。亦難禁止。推之本骸得氣。遺體受蔭之理。無怪向之子孫。稍能體弔者。至此而變而赤貧矣。向之子孫。僅有子遺者。至此而變爲斬盡矣。向之子孫。卜地葬親。思所以安先靈而綿世澤者。至此而竟爲烏

有矣。誰非子孫。誰無墳墓。使已之祖宗而為他人發掘。為子孫者安乎不安。言念及此。實堪憫惻。近訪得蘇郡常昭兩邑。擬善堂一切無主墳墓。及無力照應之墳墓。俱為確查舊址。繪圖入冊。給賞墳丁。監碑存案。春秋巡查檢點。雖歷年久遠。不至遺廢。誠為善舉。吾邑同人議欲仿照辦理。謹擬規條分錄於左。

一此局規條專為保護無主古墓而辦。先將興辦章程。呈明兩邑。邑尊。並請出示。諭總開報。并諭勸捐。頒發刻板。用印紅冊到堂。以便查看確實。隨時登註。凡有堪輿家。存心好善者。託其採訪。舉報或同人就其所見。所聞。舉報堂中。俱將坐落地址及姓名。有無。登明稽查簿內。堂中司事。隨時查看。地主經營。何人樵採。果係合例。入冊彙齊。刊立碑石。以便逐年稽查。

一合例入冊古墓。將坐落四址丈尺方向姓名。墳塚幾個。有無樹木。牆地。圖繪地形。以及看管何人。詳細註明堂冊。以備查核。但歷年久遠。豈無形迹更變。須擇附近歷久不變之處。如池澗菴堂。高墩大墳。牌坊古樹等類。在於何方。遠近約有幾丈。以為標認。並載冊內。以杜墳佃日久移碑移塚。盜賣諸弊。

一碑上冊內。將墳逐一編立號數。相同。以便碑冊互相查對。碑上刊刻姓名。四址丈尺號數。恒善堂立字樣。與冊符合。此外另有查考來歷。細底及墳佃等類。俱載入冊。刻印看管聯單。單上註明某號某人之墓。與丈尺四址記認年月。及墳佃姓名。堂中用戳墳佃畫押。各存一紙。每年歲底。墳佃持單到堂。查核給保護錢七十文。若佃已故。或有子弟承管。到堂倒換聯單。設有牆塚損壞。送官究治。如墳佃已故。無人承管。着總召募。如總推諉。即着該總照管。以杜串通盜賣。

一丈量地步。俱歸營造木尺。堂中立營造丈杆一根。司事稽查。隨帶丈杆。量覆地界。碑式營造長五尺。濶一尺三寸。厚五寸。

一查明姓名者。碑上刻某姓某名之墓。無從查考者。刻無主古墓。如棺骸鱗次。荒塚纍纍者。量清四址丈尺。面前豎一石碑。刻無主荒墳。古塚幾個。亦編號入冊。

一墳塚墳牆俱有者。載明單冊。着佃保護。其無墳牆而僅有墳塚者。保護墳塚。如墳塚坍塌者。隨時酌給工費加高。如無塚而地低陷者。亦給費填滿立塚。

一先賢名人之墓。子孫式微。勢將爲人侵佔者。一體立碑入冊。春秋祭掃。加意保守。以昭尊崇。

一有等墳墓。並非無主。其子孫單寒。或僅存寡居。恐年久遺失。或鄰墓侵佔。自願報堂入冊。准其一體立碑編號。將四址丈尺載

明冊內。逐年稽查。如家道尙可。酌捐經費。多寡聽其自便。載入冊後。或有子孫惑於風水。自願遷葬。應先報明堂中註冊。

義塚條約 上海果育堂定

一誼園義塚四址。均立界石。各分左右兩阡。以別男女。每阡十具。視地之廣狹短長。加立號碣。挨次分行。以便查認。不致紊亂。

一埋棺一具。用號磚一塊。由一號起至十百千號。依次順埋。該棺和頭正面。日後棺屬報領。以便對號出阡。一棺出阡。司藉撤銷號冊。續後報堂。仍分男女。以原號補埋。庶免空號錯號之虞。

一塚地四周。各濬深濶大溝。中間起畝。畝間起畦。使前後左右水氣得以疏洩。凡掩埋一具。金井開深三尺半爲度。兩旁約距隣號尺許。壅用灰砂。須足踏堅結。然後圓塚。封以草皮。

一小棺骨箱骨壘。另設餘地收埋。其浮屍路斃。亦另歸一處。

一凡棺到堂報葬必得親屬一人資取的保或邀該舖正甲先期詣局開明住址籍貫姓名年歲司籍登註號冊棺屬自雇扛夫抬送塚所來堂知照司埋二人督率夫頭掩埋如式
一每棺一具本堂自用石灰二百觔拌入砂土掩埋工錢大棺制錢一百二十文小板棺用石灰一百觔掩埋工錢六十文骨箱骨壘每具制錢三十文悉由本局開銷若該屬自願添用石灰以及供設祭品香楮等情悉由棺屬自備
一每歲清明及中元節本堂濟度義塚乏祀孤魂虔修經懺一永日捐助冥錠往塚所焚化如有棺屬不時祭掃毋許地隣諸色人等需索錢文倘有阻撓干咎未便
一塚旁備有餘屋以作丙舍凡棺槨尚須覆漆者暨置屋內但以十日為期過期即葬不能久停

果育堂董事

江承桂 賈履上

顧錫麒 張文照

蕭文照等具

稟為添置義塚環求立案事。切上邑向有同仁堂舊設義塚經辦掩埋。歷有年所。茲因匪擾。蘇太各郡縣避地者紛紛來滬。兵燹之餘。死亡甚眾。既難歸骨故鄉。又乏安厝善地。經蘇州府紳士汪錫珪、潘嘉穗、張世培、程肇清等彙商措辦三邑誼園以敦桑梓。職等并念此外各邑同託。幟幟情難歧視。就西門外契買二十七保二圖讚字圩則田十三畝五分八厘八毫。兼置常昭江震崑新太鎮各邑義塚。統名蘇太誼園。又經契買二十七保二圖讚字圩則田二十畝四分。收埋城廂內外乏力營葬以及無主棺柩。俾免暴露而安旅魂。但叔建伊始。恐多掣肘。為此環求大老爺恩施。出示曉諭。並乞飭將該田可否列入官字號。免其納糧。勒石以垂永遠。則善政綿延。戴德無既。上稟。

咸豐十一年六月

劉憲批

爾等契買二十七保二圖讚字圩則田三十三畝九分八厘八毫分別作為常昭江震崑新太鎮各邑誼園果育堂義塚樂善可嘉候出示曉諭仍著照例繪造圖冊出具切結專案呈候勘詳請

題豁糧抄粘附

收埋路斃浮屍章程

卷八之四

收埋善政也自有遇事生波之棍徒動輒挾人命圖賴而善政中遂有害焉非大為之防則善路阻而平民之受害不堪問矣述收埋路斃浮屍章程

計抄詳定規條

一各圖地保遇有路斃浮屍赴堂知照本堂仍派司事細心查看分別填單報驗殮埋倘地保匿不報堂稟報查究
一驗屍各費已奉前撫憲刪除應行官為捐給毋庸由堂給發
一所有屍場應用物件及書差忤忤各項人役飯食共錢二千文路遠需船者後又議添書差各役坐船六隻捐給水脚及繹夫工食油燭共錢六千文由縣捐給不累地主永為定例不許再向地主保隣需索

一查看水陸屍身頭面。有刀截繩勒手足被縛及跌磕被毆傷痕。或有顏色發變之處。用手按捺堅硬青紅色似係傷痕者。又居民門首河干空地墳旁野厠自縊自盡服瀉服毒竅有流血者。以上各屍如無屬出認。遵照定章。由堂填具聯單報縣。官爲捐費驗殮。棺交地保收管。聽官詳辦。不傳地主地隣。訛供滋累。如有差忤地棍勒索滋擾。許堂董卽行稟究。

一查看屍身頭面。並無刀截繩勒捆縛等項傷痕。皮肉雖有發變之處。用手按捺柔軟。非係堅硬及肚腹低陷面色痿黃。係無傷病故。查無親屬出認卽遵。

憲飭捐棺殮埋。毋庸報縣相驗。仍將年貌服色遺物登簿。按月彙報府縣。示召屍屬認領。以上各屍俱聽堂董看明無傷。遵諭捐棺埋葬。倘有地匪棍徒差忤人等攔驗勒報藉端滋擾者。許

堂董地保指名稟究。

一水陸斃屍有乞食碗鉢籃棒者。仍照詳定章程。由丐頭看明具結向堂領棺殮埋。按月彙報。毋庸報官相驗。

一凡遇斃屍。查有屍屬出認者。應否報驗聽親屬自主。與堂董無涉。

一地保堂董看明實在無傷無屬。由縣驗明捐棺殮埋之後。倘有地棍奸民冒屬圖詐。或係的屬藉此圖訛。捏稱有傷。赴官呈控。及奉訊明捏控。棍等以誤認一言了事。而堂董已遭拖累。現飭各屬如遇有呈控。先着具稟之人。指明亡者姓名年貌服色住址。於何月日因何事。與何人爭毆。何處致命重傷。出具如虛願甘反坐切結。呈縣照結訛辦。或稱生前另有別故致死。亦着指出證據查辦。俱與見屍捐殮之堂董無涉。不准並傳滋擾。如無

報驗聯單存

實據不願具結者立案不行。詳請開驗。虛誣者照例治罪。
一棲流局收養病斃。查明無故無傷。抬至中途病故。向係堂董報
驗與局無涉。今無傷斃屍俱免報驗。所有棲流局收養病斃中
途亡故者。已經局董驗無別故。即聽該局捐棺殮埋。待屬認領。
毋庸再由善堂報驗。

正堂為填單報驗事。照得各善堂承辦水陸路斃浮屍及
在荒墳野厠等處自縊自盡無屬出認者。遵照 憲定章程。堂董
督保看明屍身並無傷痕。亦無別故者。由堂捐棺殮埋。義塚插標
記認。毋庸報驗。仍立簿按月報縣。召屬認領。如係因傷身死。應行
緝凶及自縊自盡。應行召屬認領者。填此聯單報縣驗殮。分別辦
理。棺交地保收管。與報驗之堂董地主地隣無涉。概不傳訊。其屍
場應搭棚廠及船隻水脚飯食等項費用。官為捐給。不准差役人
等藉端妄傳需索。如違許。堂董指名稟究。遵辦在案。今據
圖地保 報於 地方見有無名 屍一名 都
督保查看。應行報驗。當即給與捐牌。遵照現定章程。官為捐費。填
單報 外合填根票存查

根

奉憲給

發報驗聯

卷八

同治 年 月 日 刻填報

發給 報驗聯單第 號

正堂為給單填報事照得一切水陸路斃浮屍由堂董督保查看如有傷痕顯著屍變可疑並荒墳野厠等處自縊自盡身死無屬出認者遵照 憲定章程由堂填單報驗其屍場應搭棚廠及應用物件船隻水脚飯食等項費用官為捐給永為定例第恐差役地保阻撓需索合行備給用印聯單發堂填報為此單給該堂董事即便遵照嗣後遇有路斃有傷浮屍及在荒墳野厠自縊自盡無屬出認者即於此單內填明屍身年貌服色赴縣呈報以憑詣驗所有屍身上衣帽鞋襪隨屍棺殮字札銀錢物件儲庫

棺交地保收管聽候分別查辦與報驗之堂董地主地隣無涉概不傳訊致滋波累如差役人等藉端妄傳滋擾許堂董指名稟究其有經堂董督保看明實在無傷者即由堂捐棺殮埋義塚插標記認按月彙報召屬認領毋庸報驗至應驗各屍係在陸路即於原處候驗不准私移他所其河內浮屍如在居民屋後河干即另在附近空處搭蓋棚廠候官先至屍所看明將屍移至廠前撈起相驗毋許擾及居民房舍致干重究均毋玩違須至聯單者

今據 都 圖地保 報於 地方有無名 屍 名約年

收埋路斃浮屍

單

同治

年

月

日

刻具報

堂司董

第

號

[Faint bleed-through text from the reverse side of the page]

嚴禁地保差件人等籍屍詐擾碑文 南翔振德堂成案

江蘇直隸太倉州嘉定縣正堂吳

為

嚴禁地保差件籍屍詐擾以襄善舉而杜民累事嘉慶十七年四月二十二日奉

署本州正堂陶 札奉

按察使司巴 憲行內開照得蘇郡泖關地當孔道往來笑獨或因病路斃或失足致溺自應報官驗殮而差件人等藉作生涯地主隣佑致累靡窮甚至擇懦而噬移拴於殷實地界慾壑未填則故作危言恐嚇慫恿本官輾轉傳人帶城覆訊民何以堪前經紳士韓是升等設立一善公堂凡遇倒斃浮屍憑保報堂隨時填載縣發聯單驗殮掩埋其臨塲書件差役飯食船價由堂捐貼後又添設棧流所收養道路顛跛垂斃之人此皆紳士好義善舉乃差

得一錄

收埋路斃浮屍

五

件人等未能飽慾。遇有生前磕擦微傷。混報因此致斃。希圖嫁禍。又有路斃丐屍。驗殮之後。藉傳堂董地隣。赴縣取結。混行滋擾。致使地隣胆慄。堂董寒心。夫路斃浮屍。既難知其來歷。其如何受傷。又從何得悉。地方有司。未加明察。紛紛傳訊。徒開索詐之風。重重取結。益增無辜之累。寔堪痛恨。茲據紳士韓是升等呈請。勒石永禁。前來。因思省會法地。靈棍尙敢肆行。無忌其餘。外屬州縣。更難保其必無。除飭蘇州府勒石永禁外。札飭諭禁等。因到縣。奉此合行勒石永禁。爲此仰闔邑軍民及坊保。差件書役人等。知悉嗣後。凡有路斃浮屍。坊保先將該屍。昇放義塚等空隙處。所卽赴地方官衙門具報。聽候詣驗。殮埋。地保書役差件人等。毋許藉屍生發。訛詐小民。混行滋擾。倘敢仍蹈前轍。一經訪聞。或被告發。立拿嚴加治罪。官則定以縱役殃民。嚴行叅究。決不寬貸。各宜凜遵。毋違。

須碑

嘉慶十七年八月

日札

又諭知

江蘇太倉直隸州正堂張

遵札諭知事蒙

爲

署按察使司湯 憲札內開。照得各屬城廂市鎮五方雜處。往來煢獨。或因病倒斃于路。或失足溺斃于河。均屬常有。地主報驗。差件人等藉屍詐擾。傳訊滋累。以致居民地保畏累。不敢報官。屍遭停暴。遺棄朽殘。殊堪憫惻。歷經各前司通飭各州縣。諭令各善堂局。崇司查察。遇有江河溺斃浮屍。以及荒墳野厠道旁等地。自縊自盡。無屬出認者。隨時由堂捐備棺費。填具縣印聯單。報驗殮埋。插標記認。由縣招屬認領。驗有傷痕。棺交地保收管。聽官詳緝不

許擅傳地主地隣訊供。以杜差忤藉擾勒索之漸。如係乞丐病斃。經丐頭查無別故。丐頭卽與屍屬無異。赴堂領棺殮埋。毋庸報驗。歷經各前司按年給以護照。遵守在案。各堂奉行以來。已有實效。乃近聞不法差忤。每多藉端需索。不惟混傳地隣人等到案伺訊。并且將堂董牽涉在內。更有各屬設立棲流所。代理寺院久停無主棺柩。及收養老病之人。其間遇有在所身故。并停棺代理義塚者。若輩串同地棍假冒屍親。遇事生風。稍不遂慾。輒心懷忿恨。設計陷害。或赴局以危言恐嚇。或藉案而株連質訊。使本官不嚴加查察。鮮有不爲其朦蔽而累及無辜。殊不知地方堂局。乃紳士捐資建成。拯生瘞死。最爲善舉。豈容差忤人等視爲利藪。如此阻撓。滋事合亟通飭查禁等因。到州蒙此合亟諭知。爲此諭仰該堂局董事人等知悉。嗣後凡有救生江船于江河撈獲浮屍。及陸路倒

斃之人。均查照向定章程。分別收埋報驗。差忤人等不得混傳地隣士工船戶報信人等伺訊。更不得牽涉堂董在內。藉端阻撓。其棲流所置買義地代理無主棺柩。及收養癯獨老疾之人。設有病故。亦不許奸徒藉稱屍屬後裔。藉屍訛索。此諭之後。該差役人等如再不遵章程。混行株累。許該局董事赴

臬憲指名稟究。必當盡法嚴懲。決不寬貸。至于堂局之費。本由各地方紳士自捐自辦。其每年支銷之數。與夫堂董遇事更替。均仍應聽其自行查辦。毋庸官爲經理。以免書役藉造冊爲名多方勒索。用昭體恤。而從善舉。毋得視爲具文。切切特諭。

道光二年九月十九日諭振德堂照刊

嚴禁脚夫阻撓示

照得收埋暴露代葬棺木。前據董事等稟設振德善堂。捐資辦理。

設立土工擡埋等情。詳奉 各大憲通飭遵辦在案。茲屆冬令。恐該脚夫等不悉此係該堂好善義舉。仍或藉分地界。把持阻撓。合行曉諭嚴禁。爲此示仰闔邑脚夫人等知悉。嗣後如有本家赴堂報葬。及代葬暴露棺柩。該堂著令土工擡埋者。凡爾脚夫母許把持爭阻。倘敢故違。定提嚴究。枷責不貸。各宜凜遵。毋違特示。

屍場經費章程

卷八之五

民間波累之事。至人命極矣。傷未必真。而一經報驗。地匪得以逞奸。胥役視爲利藪。里鄰科派。擾害滋多。情極變生。往往事中。生事得賢。明當道嚴定規約。永禁需索。而小民受福無窮矣。述屍場經費章程。

上海縣劉詳定屍場經費稿

上海縣爲詳請立案事。竊查城鄉各處報驗命案。每有不肖胥役。藉向地主屍親索詐驗費。最爲惡習。卑職自咸豐八年十月間。奉飭抵任。凡有呈報人命。應行相驗之案。無論路斃浮屍。以及自盡。並殺傷身死等案。惟恐各役仍蹈前轍。應需一切船轎夫馬。及刑件各役飯費等項費用。先由卑職捐廉給發。不往在外需索分毫。並飭捐牌曉示。俾衆咸知。以免詐騙。茲據卑職縣同仁輔元堂董事

經緯曹樹珊江承桂王承榮王慶榮葉介壽費培鎮沈大本郭長
祚江永清張佳梅賈履上沈譽來徐士榮張益廷梅益奎蕭縉周
志源等稟稱。蒙捐屍場費用。禁止索詐錢文。現雖各遵示約。第恐
後難照行。查得奉賢縣除路斃浮屍無傷者。由堂看明棺驗報縣
立案外。其路斃有傷。應行報驗者。如在附近處所。由堂捐給屍場
廠費。暨軍轎雜役各項飯食錢五千文。若路遠用船。除本官坐船
自行捐備外。隨從書役另給舟盤錢五十里以外。再加錢二
千。此外一切鬪毆殺傷。以及自盡各項命案。無分程途遠近。統由
堂內給發大錢二十千文。概由原差承領分給。以杜需索情弊。每
年刊入徵信錄內。藉備稽考。立有定章。今上海亦設有同仁輔元
堂。辦理各項善事。其路斃有傷浮屍。及荒墳野厠縊死等案。應行
報驗者。堂內本有章程。應需屍場廠費。及軍轎書役各項飯食雜

費。附近地方。由堂給錢四千八百文。如路遠需船。本官坐船亦自
捐備。隨從書役另給舟錢一千七百五十文。仍可照舊辦理。此外
一切鬪毆殺傷身死。以及自盡各項命案。情愿仿照奉邑條規。亦
俱由堂給費。惟上邑用項較繁。應行畧為加增。現擬無分遠近。每
案由堂捐錢二十八千文。應請署內頒給諭單。發交原差到堂具
領。開發各項堂內卽用刊板聯單照填案由。註明發訖字樣。呈案
備查。不准於定數之外。再有加增名目。統於年終彙刊徵信錄內。
以期永遠遵行。實為善舉。闔邑幸甚。為此檢同奉邑徵信錄。稟乞
查核通詳立案。以便勒石永遵等情。據此。奉
覆查屍場驗費久

各憲嚴行申禁。本不准書差地甲人等稍有需索。擾累鄉民。第每
藉以飯食舟盤之費。從中勒詐。以飽私囊。其弊有不可勝言者。現

自卑職遇案捐廉給發以後。卽據該堂董等以錢由官捐恐難久行。願照奉賢定章。凡有報驗命案。應須各項雜用。已由該董事等議定錢數。刊刷聯單。概行由堂給發。不准再向地主屍親鄰佑人等需索分文。亦不准於定數之外。再有加增名色。仍將嚴禁勒索情弊。遇案飭役揭牌示衆。如此明定章程。內外皆可稽察。需索之弊。自可永絕。且於民間。既不派累。而於官署。又免捐廉。亦不致日後再有更張。自可永爲成例。久遠遵行。除由卑縣先行出示曉諭。並飭董刊刷聯單備用外。理合具文通詳。仰祈憲臺鑒核立案。並請俯賜批示。以便勒石永遵。實爲公便。

上海縣定屍場經費示

同知銜調補松江府上海縣正堂劉

爲

出示諭禁事。照得報驗命案。應需屍場棚席廠費及夫馬船隻並

各書役飯食等項。一應雜用。自咸豐八年十月間。本縣蒞任。後無論水陸路斃。以及自盡謀故。其毆鬪殺等案。報官相驗。應需雜費。皆係本縣捐廉給發。不准吏役人等在外需索分毫。並遇案揭牌曉示在案。茲據同仁輔元堂董事經緯等。以費由官捐。恐難爲繼。請照奉賢縣辦理章程。無論報驗何項命案。應需屍場棚席廠費。及夫馬船隻並各書役飯食等項。一應雜用。概由堂內給發備用。既免官捐。而於屍親地保鄰佑人等。亦免再被索擾等情。據卽通詳。

各憲立案。並飭刊碑勒石。永禁需索。以杜擾累。誠恐各鄉尚未周知。或有奸徒。仍以驗費詐騙勒派。大干法紀。合行出示諭禁。爲此示仰闔邑軍民人等知悉。嗣後圖內。遇有水陸路斃。以及各項自盡謀故。其毆鬪殺等案。報官相驗。一切需用。概係同仁輔元堂內

捐備按照定章逐項逐款發交原差分給備用。毋庸屍親犯屬地主保鄰人等再行出費。亦不准胥役等於堂領之外。再有圖內需索分毫。通詳立石。永杜擾累。倘有刁詐之徒。仍敢藉端勒索。派詐被詐人指名控縣。定即立提到案。從重盡法懲辦。地甲人等徇隱不首。亦當嚴究。決不稍寬。其各凜遵。毋違特示。

捐牌式

正堂示

胥役隨從相驗 向有需索惡習
業經董事議明 費用由堂給發
現已勒石永禁 毋許再蹈前轍
倘仍藉端索詐 究辦定依嚴律

存根

上海縣正堂 為捐給驗費事今據

稟報

保圖 身死一案查照詳定章程

飭令同仁輔元堂照章發給隨從書差人等飯食筆墨紙張搭蓋棚廠等項一切雜用無論路途遠近每捐發制錢貳拾捌千貳百捌拾文合雷票根存查

咸豐 年 月 日給

縣

第

號

上海縣正堂 為捐給驗費事照得本城同仁輔元堂收埋路斃浮屍由堂發給雜費錢文業經詳明有案仍令照舊辦理外嗣後遇有謀故鬪殺自盡等項一切命案現據該紳董等稟經本縣通詳立案勒石無論道路遠近每起由堂捐發制錢貳拾捌千貳百

正堂諭單

捌拾文交承辦頭役到堂領發以資書差飯食筆墨等費以杜擾
 累而安閭閻茲據 保 圖 保正 舖甲 稟據
 身死一案本縣定於 日親赴屍場相驗
 諭到該董事立即遵照發給該承辦頭役制錢貳拾捌千貳百捌
 拾文令即按欸散給隨從書役飯食紙筆搭蓋屍場棚廠等項應
 用倘該書役人等有藉端需索擾累屍屬鄰里一經訪聞或由堂
 董稟報或被告發定即照例嚴辦不貸特諭

咸豐 年 月 日諭同仁輔元堂

聯單存查

同仁輔元堂今遵

縣諭於 年 月 日發給 保 圖 保正 舖甲 稟報

身死一案驗費錢貳拾捌千貳百捌拾文合畱

單根備查

咸豐 年 月 日第 號

第

號

同仁輔元堂為遵諭捐給驗費事今蒙

憲諭遵照詳定章程發過 保 圖 保正 舖甲 稟報

身死一案搭蓋棚廠書役飯食筆墨紙張一切

雜用照數發訖呈請

正堂大老爺查核備案施行

屍場

身一錄

卷八 屍場經費

五

經費聯單

咸豐九年十一月

日示

計開

刑房七百文	招房七百文	代書二百八十文
原差二千四百文	押驗總頭七百文	紅班七百文
禁班三百五十文	傳話七百文	件作一千文
屍格二百八十文	值目四名五百六十文	門房一百四十文
茶快一百四十文	軍輪二百八十文	衣箱馬概一百四十文
舖司二百二十四文	清道二百二十四文	金瓜二百二十四文
軍件八百文	轎班五百二十文	樣板二百二十四文
以上計錢拾千七百六十六文		

外加

硃墨筆六十文	手巾五十文	紅布七十文
芸香膏卅百十四文	燒酒一千二百文	土作四名五百六十文
小夫兩名二百八十文	吹手三名四百一十文	炮手一名二百八十文
粗紙三百四十文	掃牌夫二名二百四十文	
以上又計錢三千五百十四文		
每次小驕船價不論遠近共錢十四千文		
以上統計錢貳拾捌千貳百捌拾文		

附錫金捐設遞解船隻諭禁擾累憲示

為出示曉諭事。據恒善堂經董秦臻趙彭淵王言鑄趙聚稟稱。切查錫金地方。從前每逢遞解人犯。即由船埠封船當差。各行家因載貨之船被封。客商畏足不前。生意清減。受累不堪。曾經稟准。自行捐資僱船四隻。以備梭織往來。遞解人犯。不准船埠藉遞解之名。自封船隻。此項捐資及僱船等事。俱歸恒善堂經管承辦。多年無不稱便。兵燹之後。尚未復辦。茲恒善堂業已稟准復設。而各行家紛紛來訴。自願仍照舊章。集資僱船四隻。常川伺候。以備遞解人犯之用。求請循舊捐設。諭飭船埠不准藉差擾累。庶幾遞解不致誤公。商賈各安生業。并求出示曉諭。俾得周知。等情。到縣據此。除諭飭船埠頭遵照外。合行出示曉諭。為示曉諭。仰地保一切居民人等知悉。自示之後。爾等務各遵照。嗣後該船埠倘再藉遞解之

名封船擾累許卽稟送來
縣以憑究辦決不姑寬其各凜遵毋違特示

又呈

恒善堂經董爲呈明遞解舊章續請給示諭禁事竊錫金遞解船隻向由各行捐錢經恒善堂辦理僱船四號往返蘇常如不敷用仍由埠頭添僱在船行攬載之圈棚船輪流支值一概不准封提已于三月十六日爲始由船戶黃洪等出具認結承辦在案自辦之後該船戶有事則應差無事則聽候半月以來並未遲悞乃埠頭因無從索費串同批差屢屢需索遞解船戶所欲不遂便肆毆打動以船不敷用爲詞飭令堂中添僱殊不知遞解爲埠頭應辦之差該行等怕伊藉差訛詐故有此舉如不敷用應仍由埠頭添僱與敝堂無涉此係數十年舊章遵循無異而該埠頭非但要堂

添僱並所載犯人及批差等飯食一切均要令船戶賠墊如此妄作妄爲公事如何承辦爲此呈明舊章伏乞給示諭禁以除惡習而全要公實爲德便再查秋審人犯向由各班船辦差貼費不在遞解之律合並聲明上稟

五年四月日呈

批 查遞解人犯船隻乃係該船埠等循分應辦之事卽使並無善堂之船亦應妥爲辦理不得稍滋擾累昨經本縣訪聞該船埠批差等有任意刁難船戶之事卽經飭提嚴懲在案據稟前情候再出示嚴禁設有不敷仍由該船埠請給印封協同船行輪僱圈蓬船應用其餘各行門前裝貨船隻一概不准藉端滋擾如有前情或無印封平空封捉等事希卽隨時指請提究是爲至要

附嚴禁自盡圖賴憲示

爵閣督部堂會為嚴禁自盡圖賴以重民命事。照得自盡人命律無
 抵法而小民愚戇每因細故動輒輕生其親屬聽人主唆無不砌
 詞混控牽涉多人意在求財兼圖洩忿經年累月蔓引株連被告
 深受其害夫父子兄弟夫婦皆人道之大經乃死而因以為利是
 雖覩然人面實則禽獸不如尤人心風俗之憂也本部堂既以通
 飭各屬隨事整頓力挽頽波凡自盡人命之案均限一箇月審結
 倘有聳令自盡誣告詐害等情即嚴究主使棍徒一并從重治罪
 此後爾等即或自拚一死總不能貽害別人其親屬雖欲逞刁一
 經審出實情不過自取罪戾亦無人肯與賄和是不但死者枉送
 性命不值一錢即生者因此又犯刑章更屬無益有損本欲害人
 適以自害徒為讐人所快服何利之可圖何忿之能洩哉合行愷

得一錄

卷八

附嚴禁自盡圖賴憲示

八

切示禁。為此示仰闔屬軍民耆老婦女人等知悉。爾等須知身命為重。既死不可復生。公論難誣。千虛焉逃一實。訟詞羅織伎倆。今日不能復行。嗣後務各自愛其身。毋得逞忿輕生。希圖詐害其親屬。亦不許聽唆誣告。枉費壽張。所有律例罪名。逐條開示於後。

一子孫將祖父母父母屍身圖賴人者。杖一百。徒三年。期親尊長杖八十。徒二年。妻將夫屍圖功。總遞減一等。告官者以誣告反坐。杖一百。流三年。因而詐取財物者。計贓准竊盜論。搶去財物者。准搶奪論。

一詞狀祇許實告實證。若絡續投詞。牽連婦女。及原狀內無名之人。一概不准。仍從治罪。

一赴各衙門告言人罪。一經批准。即令原告投審。若無故兩月不到案。即將被告證佐俱行釋放。所告之事。不與審理。專拏原告。

治以誣告之罪

一控告人命。如有誣告情弊。照律治罪。不得聽其攔息。或有誤聽人言情急而妄告。於未經驗屍之先。盡吐實情。自願認罪。遞詞求息者。果無賄和等情。照不應重律。杖八十。如有主唆。仍將教唆之人。照律治罪。

同治七年五月二十九日

施棺代賒條約

卷八之六

送死為人生一大事。至死無以為殮。可傷孰甚焉。好善之士。預製義材。以備緩急。盛德事也。而又恐有顧惜體面之人。羞領義材。因設為代賒之舉。所以體恤人情者至矣。述施棺代賒規條。

上海果育堂勸募推廣施棺捐啟

我邑施棺創自同仁。賒棺創自輔元。意至良也。法至善也。惟恐經費不支。查察難周。以地界為限。固屬不得已之苦心。而在界限以外者。未免向隅之歎。往往四鄉有病斃。離城畧遠。欲謀一板棺而不可得。甚至有有用蓆捲者。殊可慨已。他若寒門舊族。例應賒給之家。一旦病死。六尺之孤。無託一棺之木。何來。即或親若友。湊墊若干錢。而稽之賒棺界限。則已越境矣。愛莫能助。同人憐之。且有地例相符。而家本赤貧。一時不能湊足。先交之錢。而欲賒不得者。尤

得一錄

卷八

施棺代賒條約

一

爲可憫於是相爲籌議經同仁輔元稟請

道憲諭飭果育堂添設施棺公局籌捐辦理與同仁輔元相助爲

理其全善舉敢不仰體

憲仁以期永遠勿替惟是經費不充恐有竭蹶難支之慮茲擬每
出一棺以十文爲一願爲特奉勸

貴官紳士善信寶商慨發仁心宏施鼎力自一願以至十百願冀聚沙以成

塔俾集腋以成裘行見科甲代興財丁並旺可爲

德門操左券矣謹勸

咸豐八年八月

日果育堂司事公啟

條約

一施賒棺分爲兩號其一爲賒棺前和高一尺九寸後和高一尺
七寸明堂口一尺七寸中一尺六寸底濶一尺九寸前和厚三

寸後和厚二寸長六尺八寸和頭雕花貼金外面揩油其一爲
施棺前和高一尺八寸後和高一尺六寸明堂口一尺七寸底
濶一尺九寸前和厚一寸八分後和厚一寸六分和頭雕花貼
金外面揩油前和暗刊千字文號並刊乾坤二卦男用乾卦女
用坤卦以示區別而備稽查至賒棺和頭應書姓氏由喪主自
行出資刊刻不願刻者聽

一賒棺爲保全寒門舊族顏面起見故重以選料定以稽查不能
徇情濫給必須家世清白行止無虧以及貞節婦女方准賒付
計棺本錢七千六百文其錢立票存堂聽其隨時自繳並不上
門收取如用機當交現錢一百四十文凡年在七十以上者不
論施賒俱給正號

一路鑿浮屍向由圖保小甲赴同仁輔元堂具報領棺收殮各

憲衙門檔案具在。應仍循舊例歸於同仁輔元堂經理。倘圖保小甲不遵向章。隱匿實情。向本堂朦領。察出。卽惟該圖保小甲是問。

一施棺賒棺。無論遠近。俱由本堂路口脚夫扛擡。立有定例。賒棺四百文。施棺二百八十文。由喪主交堂轉給。不得另索上椁酒資等項。如該喪主倩親友自扛者聽。

一賒棺拾年九月起。木價昂貴。添設統號。今定議正號棺本錢拾二千文。副號棺本錢捌千文。統號本錢六千文。

附南翔振德堂施棺條約

一。是局甫經創舉。善願如雲。因此備棺稍從寬厚。并內用紙糖。外加黑黝。至施出之際。每具另給石灰三斗。草紙百張。以助殯殮。一施棺合成。卽須擔黝。待其乾燥而後應給。每遇施出之後。卽當

陸續添辦。務使常存廿具。以便隨時給發。

一。在局司事十人。拈定各輪一月。凡遇求施者到堂。無論風雨寒暑。卽同來人親詣其所。查訪明確。然後回堂給發。倘有事故無暇。卽於同儕中轉託代勞。以期歷久不懈。

一。捐輸願銀。除總捐銀兩隨時登冊外。其十文願錢。遇有施出一號。卽按冊徧收一次。除支給備棺雜項應用外。所餘錢文數滿五十千。卽以存貯在堂。司總處生息。庶使子母兼權。可冀日漸充裕。一切出入細數。每年刊印徵信錄分閱。

一。集會之法。每遇施出一號。遍收十文願一次。惟新正店舖尙未開張。及歲暮第宅各有正務。茲酌以正月二十日起。登號收錢。十二月二十日停止不收。此三十日內到堂求施者。照例應給。槩不列號。或以五十文或百文爲一願。因地因時可也。

一備棺施濟原爲鰥寡孤獨平素赤貧哀告無門者而設如其親屬勉力可支意存省費僥倖求施者槩不准給代爲保領者徇情混報察出議罰充公。

一向來流丐病斃該圖地保丐頭以蓆草包裹掩埋今堂中添備薄板丐棺倘遇乞丐病斃許該圖地保丐頭到堂求施本堂給發一具仍聽其舊塚掩埋。



